



新刊監本冊府元龜卷之九百六十一

外臣部

六

士風第三

天竺國一名身毒在月氏東南數千里俗與月氏同而卑涇暑  
熱其國臨大水乘象而戰其人弱於月氏脩浮圖道不殺伐遂  
以成俗浮圖佛也土出象犀瑇瑁金銀鐵鉛錫西與大秦通有大秦  
珍物又細布好毼毼諸香石蜜胡椒薑黑鹽一說其俗佛道所  
興也人民敦龐土地饒沃其王號茂論所都城郭水泉分流統  
于渠漸下注江其宮殿雕文鏤刻街曲市里屋舍樓觀鍾鼓音  
樂服飾香華水陸通流百賈交會奇玩珍偉恣心所欲左右喜  
維舍衛葉波等十六大國去天竺或二三千共尊奉之以為

在天地之中也

南天竺國有伏醜城出摩尼珠珊瑚城東有拔賴城出黃金白  
真檀石蜜蒲桃土宜五穀中天竺國其俗土著與月支同而地  
卑濕暑熱稻歲四熟苗甚長茂沒於馳馬出獅子豹獐象馳犀  
象有火齊如雲母而色紫精者薄如蟬翼焉有金剛似紫石英  
百鍊不銷可以切玉又有梅檀鬱金香并蔗諸果出石蜜黑  
鹽通於大秦致其寶或至扶南交趾貨易焉俗無簿籍以齒具  
為貨尤能幻化禁呪或能呪龍以致雲雨大夫致敬極者舐足  
摩踵而致其辭家有奇樂倡伎其王與大臣多服錦罽王為螺  
髻於頂餘髮剪之使拳大夫剪髮穿耳垂璫或以金龍懸於耳  
耳緩者為上俗皆徒跣衣重白色婦人以金銀真珠瓔珞挂頭  
項死者或焚屍取灰以為浮圖或委之中野以施禽獸或流之  
於河以餉魚鼈無服制之差喪紀之數謀反者幽殺之小犯罰  
錢贖罪不孝則斷手肘足截耳割鼻放流邊外其人柔弱法於  
戰鬪有弓箭甲稍亦有飛梯地道木牛馬之法有文字善天文  
筭曆之術人皆學悉曇章云是梵天法書於具多樹葉以記事  
然尤脩浮圖道不殺生飲酒脩戒數百特信盟誓國中徃徃有  
佛舊迹存焉

唐居國在天竺東南三千里其土氣物類與天竺同男女皆長  
八尺而怯弱乘象駱駝徃來隣國有寇乘象以戰  
栗弋國屬康居出名馬牛羊蒲萄衆果其土水美故蒲萄酒特  
有名焉

嚴國有奄蔡北屬康居出鼠皮以輸之

阿蘭聊國

前漢奄蔡國也

地屬康居土氣溫和多楨松白草民俗衣服

與康居同

蒲類國居天山西疏榆谷廬帳內而居逐水草頗知田作有牛馬駝駱羊畜能作弓矢出好馬

移支國居蒲類地其人勇猛敢戰以寇殺為事皆被髮隨畜逐水草不知田作所出皆與蒲類同

東且彌國其俗廬帳居逐水草頗知田作其所出以與蒲類同所居無常

白馬氏地險阻有麻田出名馬牛羊漆蜜氏人勇戇抵冒貪貨

死利居於河池一名仇池方百頃四面斗絕

仇池山在今成州上祿縣南仇池縣

女國在葱嶺之南以女為王母居層樓侍女數百王日一聽政

其王死無若女嗣位國人請歛金錢得數百萬還死王之族買

女而立之其地五男三女俗貴女子賤丈夫婦人為吏職男子

為士女子貴者則多有侍男子不得有侍女雖賤庶之女亦為

家長有數夫焉生子皆從母姓男子被髮以青綠塗面婦人辮

髮而縈之以皮為鞋課稅無常氣候多寒以獾為狩業出鑰石

朱砂麝香羆牛駿馬蜀馬尤多鹽常將鹽向天竺與敗其利數

倍

鏖汗國古渠搜國也其王坐金羊林妻戴金花俗多朱砂金鉄

吐火羅國在葱嶺西與揖俱雜居勝兵近五万其國士多男子

少婦人故兄弟同室婦人五夫則角飾戴五角十夫則戴十角

男子無兄弟者則與他人結為昆季方始得妻不然者終身無婦矣服被文字與于闐略同城北有屋數頗梨山南崖穴中有神馬國人每牧牝馬於其側特產名駒皆汗多善馬有屋宇雜以穹廬著小袖袍小口袴大頭長裙帽女子被髮為辮其地與益州隣常通同商賈民慕其利多徃從之教其書記為之辭譯稍桀黠矣一說多畜逐水草無城郭稍為宮室而人民猶以氊廬百子帳為行屋地常風寒人行平沙中沙礫飛起行迹皆滅肥地則有雀鼠同穴生黃紫花瘦地輒有瘴氣使人斲氣牛馬得之疲汗不能行

宕昌在河南國東本西羗種也俗皆土著居有棟宇其屋織氈牛尾及羖羊毛覆之國無法令又無徭賦唯征代之時乃相成威西北有捷路渡沙磧千餘里四面茫然無有蹊逕欲往者尋有人畜骸骨而去路中或聞歌哭之聲行人尋之多致亡失蓋魑魅魍魎也故商客徃來多取伊吾路

康國者康居之後遷徙不常其地有胡律置於祆祠決罰則取而斲之重罪者族次重者死賊盜截其足人皆深目高鼻多鬚髯有大小鼓琵琶五絃篳篥笛婚姻喪制與突厥同國立祖廟以六月祭之諸侯皆來助祭俗奉佛為胡書氣侯溫宜五穀勤脩園蔬樹木滋茂出馬駝驢封牛黃金鏡沙朥香阿薩那香琴瑟縹皮甕鼈錦壘多蒲萄酒富家或致千石連年不敗丈夫剪髮或辮髮其王冠氊帽飾以金室婦人盤髻幪以皂巾飾以金花人多嗜酒好歌舞於道路生子必以石密內口中以膠置掌

內欲其成長口常其言持錢如膠之黏物俗習胡書善商賈爭分銖之利男子二十即遠之傍國來適中夏利之所在無所不到以十二月為歲首有婆羅門為其占星候氣以定吉凶頗有佛法至十一月鼓舞乞寒以水相潑盛為戲樂

似盤國與康國鄰出好馬

瑟匿國北接石國其俗不好商賈風俗並略與康國同馬

安國風俗同與康國唯妻其姨妹及母子遞相禽獸此為異也石國其俗正月六日七月十五日以王父母燒餘之骨金瓮盛之置于牀上巡遶而行散以花香雜果王率臣下設祭焉禮終王與夫人出就別帳臣下以次列坐享宴而罷有粟麥多良馬其俗善戰

即鳴而聚立埋其口鼻於沙中人每以為候即將羶擁蔽鼻口其風迅駛斯須過盡若不防者必致危斃

党項羗三苗之後東接臨洮西平西拒業護處山谷間其俗服裘褐被羶以為上飾俗武力無法令各為生業有戰陣則相屯聚無徭賦不相往來收養斃牛羊猪以供食不知稼穡其俗淫穢蒸報於諸夷中寂為甚無文字但候草木以記歲時三年一聚會殺牛羊以祭天人年八十以上死者以為令終親戚不哭少而死者則云夭枉共悲哭之有琵琶橫吹擊缶為節

高昌國蓋車師之故地也南接河東連燉煌西次龜茲北鄰劼勒置四十六鎮交河田地高臨寧川橫截柳婆濤林新與由寧始昌篤進白刀等皆其鎮名國人言語與中國畧同有五經歷

代史諸子集面類高麗辨髮垂之於背著長身小袖袍縵襠袴  
女子頭髮辮而不垂著錦纈瓔珞環釧婚姻有六禮其地高燥  
築土為城架木為屋土覆其上寒暑與益州相似備植九穀人  
多噉麵及羊牛肉出良馬蒲萄酒石鹽多草木草實如繭繭中  
絲如細纒名為白壘子國人多取織以為布甚軟白交市用焉  
有朝烏者旦旦集王前殿為行不畏人日出照後散去一說男  
子胡服婦人裙襦頭上作髻其風俗政令與華夏略同地多磧  
氣候溫暖穀麥再熟宜蚕多五果有草名為羊刺其上生密而  
味甚佳出赤鹽如朱白鹽如玉蒲萄酒俗事天神無信佛法國  
中羊馬牧於隱僻之地以避外寇非貴人不知其所北有赤石  
山山北七十里有貪汗山夏有積雪北山之北鐵勒界也從武  
檀特山山上立寺以驢數頭運食山下無人控抑自知往來乾  
陀國在烏長西本名業波有闍象七百頭十人乘一象皆執兵  
仗象鼻縛刀以戰

師子國天竺旁國也其地和適無冬夏之異五穀隨人所種下  
須時節國中有王以一善化人其樓閣皆以七寶裝晃耀街巷  
人衆熾盛每於辰朝警鼓曉辟迷常勸念佛破諸衆生無明黑  
闇常說空理離於物外以清淨學道為務不著於声不著於香  
無量得道之處一說在西海之中延袤二十餘里多出奇寶本  
鬼神居之商人到則不見但置宝物價於洲上商人依價買之  
而去其後鄰國人居之能馴養師子遂以名國風俗與婆羅門  
同而尤敬佛法

吐谷渾在青海西其國西有黃沙南北一百二十里東西七十里不生草木沙州因此為號屈真川有鹽地并谷嶺北有雀鼠同穴或在山嶺或在平地雀色白鼠色黃地生黃紫花草便有雀鼠穴

白蘭土出黃金銅鐵其國雖隨水草大抵治慕賀川以肉駱為糧頗識文字其男子通服長裙帽或戴纍羅婦人以金花為首飾辦髮縈後綴以珠貝其婚姻富家厚出娉財竊女而去父卒妻其群母兄亡妻其諸嫂喪服制葬訖而除國無常稅調用不給輒歛富室商人取足而止殺人及盜馬者罪至死他犯則徵物以贖地宜大麥而多蔓菁頗有菽粟出蜀馬犛牛西北有流沙數百里夏日有熱風為行旅之患風之所至唯老駝豫知之

界本名仇維山上有池故曰仇也山在洛倉二谷之間常為水所衝激故下石而上土形斯似覆虫仇池記曰仇池百頃周圍九千四百步天形四方壁立千仞自然樓榭卻敵分宜調均踈起數丈有餘人工仇池二十二道可羊緣而上東西二門盤道下至上九有七里上則岡阜抵昂泉流交灌即元注水經云羊腸盤道三十六回開山圖謂之仇夷所胃積石差峩岑隱阿者也上有平田百頃糞成鹽因以百頃為號也數為邊寇郡縣討之則依固自守無

貴賤皆為板屋土墻所治處名格谷蠻俗衣布徒跣或推髻或剪髮兵器以金銀為飾虎皮不楮便弩射皆暴悍好寇賊馬滑國車師之別種也土地溫煖多山川樹木五穀國人以麩及羊肉為糧其獸有獅子兩脚駱駝野驢有角人皆善騎射着小袖長身袍用金玉為帶女人被喪頭上刻木為角長六尺以金銀飾之少女子兄弟共妻無城郭遺屋為居東向開戶其王坐金牀隨大歲轉與妻並坐接客無文字以木為契與旁國胡為胡



書革皮為紙無職官事天神火神每日則出戶祀神而後食其跪一拜而起奠以木為槨父母死其子截一耳奠訖即吉其言語大待河南人譯然右通

古柯國胡密丹國檀國皆滑小國也衣服皆與滑同白題國在滑國東去滑六日行西極波斯土地出粟麥瓜果食物畧與滑同

烏長國在中天竺南一名烏伎那百姓殷實人性懦弱頗詭詐尤攻禁呪之術篤信佛法言語文字禮義法式略同天竺而弗之及也一說多解天文吉凶之數其王動則訪決焉土多柰果引水灌田豆稻麥事佛多諸寺塔事極華麗人有爭訴服之以藥曲者發狂直者無恙為法不殺犯死者唯徒於靈山西南有

聚不然則各生業不相往來皆表裏褐收養斃牛羊豕以供其食父子叔伯兄弟死者即以其繼母世叔母及婦弟婦子兄為妻俗無文字但候草水榮落以記歲時三年一聚殺牛以祭天鄧至國居西涼州界羌別種也其俗呼帽曰突何其衣服與宕昌同

武興國本仇池其國東連秦嶺西接宕昌去宕昌八百里南去漢中四百里北去岐州三百里去長安九百里本有十方戶世世分減其大姓有符氏姜姓言語與中國同著烏皂突騎帽長身小袖袍小口袴皮鞋地植九穀婚媾備六禮知書疏種桑麻出紬絹精紈漆蠟椒苴山出銅鼓

西戎踈勒國在姑墨西白山之南百餘里漢時舊國也其王戴

金獅子冠土多稻粟麻麥銅鉄錦綿人手足皆六指產子非六指者即不育俗事祆神有胡書文字

至拔國在踈勒西其國東有潘賀那山出美鉄及獅子

悉密國者至西其國東有山名都悉滿山出金玉多鉄

悉万斤國在悉密西其國南有山名伽邑那山出獅子

吐呼羅國在悉万斤東土宜五穀有好馬駝騾

伽不單國在悉万斤西<sup>北</sup>土平宜稻麥有五果

色知顯國在悉万斤西北土平多菓

伽邑居國在悉万斤南土出赤塩多五菓

薄伽國在伽色足南多五菓

牟知國在忸蜜西南<sup>田蜜無</sup>土平禽獸草木類中國

諸色波羅國在忸蜜西土平少田殖取稻麥於隣國有五果

早伽至國在忸蜜西土平宜稻麥多五菓伽偉

阿弗大汗國在忸蜜西土平多五菓

呼似蜜國在阿弗大汗西土平出銀琥珀有獅子多五菓

疊伏羅國有勿悉城城北有塩竒水西流有白象并有阿未黎

波波中織作布土宜五穀

拔豆國出金銀雜宝白象水牛犛牛蒲萄五果

副貨國在没隨國東<sup>没隨無</sup>土風宜五穀蒲萄唯有馬駝騾

波斯國大月氏之別種都宿利城其王姓波斯氏坐金羊牀戴

金花冠衣錦袍織成帔飾以真珠宝物其俗丈夫剪髮戴白皮

帽貫頭衫兩廂延下関之并有中帔縁以織成婦人服大衫披

大帽其髮前為髻後被之飾以金花仍貫五色珠絡之於膊玉於其國內別有小牙十餘所猶中國之離宮也每年四月出遊處之十月乃還王即位以後擇諸子納賢者密書其名封之於庫諸子及大臣皆莫之知也王死乃衆共發書視之其對內有名者即以為王餘子各出就邊任兄弟更不相見也兵器有甲稍圓排劍弩弓箭戰並乘象百人隨之其刑法重罪懸諸竿上射而殺之次則繫獄新王立乃釋之輕罪則劓刑若髡或剪鬢及繫排於項以為耻辱犯強盜者禁之終身姦貴人妻者男子流婦人割其耳鼻賦稅准地輸銀錢俗事火天神婚合亦不擇尊卑諸夷之中最為醜穢矣民女年十歲以上有姿貌者王收養之有功勲人即分賜死者多弃屍於山一月治服城外有人

別居知喪葬之事號為不淨人若入城市搖鈴自別以六月為歲首尤重七月十日七日十二月一日民庶以上各相命召設召設會作樂以極歡娛又以每年正月二十日各祭其先者氣候暑熱家自藏冰地多沙磧引水溉灌其五穀及禽獸皆與中夏略同唯無稻及黍秫土出名馬及駝富室至有數千頭者又出白象師子大馬邠真珠玻瓈珊瑚琥珀瑠璃馬腦水精瑟瑟二金銀瑜石金剛火齊鑛鉄銅錫朱砂銀綾錦疊氍毹毼玄鹿章皮及薰六鬱金蘇合青本香等胡椒畢撥石蜜千年棗香附子訶黎勒無子食鹽綠雌黃芴物一說西去城十五里有土山山中有鷲鳥噉羊土人極以為患國中有優鉢曇華鮮華可愛出龍駒馬馱地生珊瑚樹長一二尺亦有琥珀瑪瑙真珠玳瑁

寺國內不以為珍市買用金銀婚姻法下聘訖女婿將數十人  
迎婦婿著金線錦袍獅子錦袴戴天冠婦亦如之婦兄弟便來  
捉手付託夫婦之禮於茲永畢

伏盧尼國在波斯國北東有大河南流中有鳥其形似人亦有  
如橐駝馬者皆有翼常居水中出水便死城北有云居山出銀  
珊瑚琥珀多獅子

附國在党項西南數千里重罪者死輕罪者罰牛人皆輕捷便  
擊劍漆皮為牟甲弓長六尺以竹為絃妻其群母及嫂兄弟死  
父兄亦納其妻好歌舞鼓簧吹長笛有死者無服制置屍高牀  
之上沐浴衣服被以牟甲覆以獸皮子孫不哭帶甲舞劍而呼  
云我父為鬼所取我欲報寃殺鬼自餘親戚哭三声而止婦人

哭必兩手掩面死家殺牛親屬以猪酒相遣共飲噉而瘞之死  
後十年而大葬必集親賓殺馬動至數十匹立其祖父神而事  
之其俗以皮為帽形圓如鉢或戴幕羅衣多毛氈及皮裘全剥  
牛脚皮為靴項繫鉄鑲手貫鉄釧王與酋師金為首飾胸前懸  
一金花徑三寸其土高氣候涼多風少雨土宜小麦青科山出  
金銀多白雉水有嘉魚長四尺而鱗細

朱俱波國在葱嶺北二百里漢之舊地也其俗盛崇佛法文字  
同於婆羅門

吐蕃國本漢西羌之地雷雨風雹霰雪每隔日有之夏節氣如中土  
暮春之月山有積雪其草細不過二寸牛馬皆食之地有冷瘴令人  
氣急不甚為害其俗重漢繒而貴男女用為首飾而白蘭苜並臣焉

其君長或居跋山川或居邏些有小城而不居坐大氊帳連帳張大拂廬其下可坐數百人兵衛極嚴而衙府甚狹西南通泥婆羅門國卑實茲焉其百姓皆居小拂廬而分別俗養牛羊取乳酪用供食燕取毛為褐而衣馬不食驢馬肉以麥為粣家不全給人死殺牛馬以殉取牛馬頭周壘於墓上其墓正方累石為之牀若平頭屋焉其臣與君自為友號曰共命人其數不過五人君死之日共命人皆日夜縱酒葬日於脚下針血尽乃死便以殉葬復有親信人用刀當腦縱鋸或有將四尺木大如拍刺兩肋下死者十有四五亦殉葬焉其設官父死子代絕嗣近則襲焉非其種數輒不相伏大略其冠章飾有五等一謂琴瑟二謂金三謂金飾銀上四謂銀五謂熟銅各以方圓三寸褐上裝之安膊前以別貴賤其戰必下馬列行陣死則遮收之終不肯退槍細而長於漢者弓矢弱而甲堅人皆用劍不戰負劍而行俗重戰死者其墓周迴白土泥之不與諸墓連接其驛以鉄箭為契其箭長六寸若急驛傳前加著一銀鶻更急其鶻至十二三每驛百餘里隨水草而居不常厥所有草名連古芒葉長二寸狀若斜蒿每莖不過三四葉其莖蔓其花黃其根連珠如麥門冬味甜性微冷有鼠尾長於常鼠每三二十同一穴至秋後衆鼠收此草根為藏多者至數十俗常掘草根而食而留給鼠糧其國禁殺鼠殺鼠者輒加重罪俗亦愛而不殺有鹿服泉諸山川亦遍出泉其泉口大者丈余小者一二尺水深尺余其馬歷泉口上行之勇不失脚與漢戰輒入此地漢馬顛躓因而敗績有青海去城五百里周迴四百里傍

土平沃多植麥在吐谷渾西南其春夏軍糧資海魚以給有可  
跋海去赤嶺百里方周七百里水苦不可飲有犛牛何濶一里  
岸峻流急東南入流蠻西洱河合流東號為漾鼻水又東南出  
會川為瀘水焉有藏河去邏些二百里東南流衆水湊焉南入  
崑崙國其中有魚似鱒而無鱗州者去之有水柳及攝木生焉  
其流不急自赤嶺至邏些川無樹木唯鉢川三十里緣山有枯  
樹邏些川三百里有柳栝樹酸棗皆蟠屈不條茂有雪厚三  
尺周廻三十里山下有水湧其俗云山下有人居未嘗輒見有  
鑠河去長安五千里其水有石號曰温湯其石狀如肝方圓數  
尺河水冷石面有穴六寸湯水湧出其中流入河其石熱其湯  
沸輒不可近所流處石並爛湯中有虫大如馬尾色赤長半寸  
有鶻莽山去長安六千里余其國因險而為防焉其山西八里狀  
若三峽其中水流声若雷霆人語不相聞其山遠而望之色黃  
而白草水兩岸有石壁一處溪流自山顛飛下可百餘尺激一  
懸石似飄粉焉其俗刻木結繩其兵以金為鏃冠至舉烽而應  
之重戰沒者為甲木門奔敗者加狐尾于首以示終身之耻自  
其王棄宋弄贊唐太宗貞觀後吞併諸蕃地方千里每十節度置  
一上相統之自號吐蕃為室髻爵位則以室珠大琴瑟小琴瑟  
大銀小銀大瑜石小瑜石大銅小銅等為告身以別高下重居臣  
之義輕父子之道用政麗酷人不敢違事無大小必出於宰相  
便宜從事故國風大理而飲酒者不得及乱女子無敢干政然  
緇徒之間或有專柄者好咒誓而多疑忌敬信釋氏諂鬼神貴

壯賤老倨父傲母惟以淬礪為業罕務耕耘不喜病疾尤惡瘡  
疥出疆之費亦無定給而臨陣所得便為己有所以戰伐吞併  
徃必成功

北狄匈奴居于北邊隨草畜牧而轉移其畜之所多則牛馬羊

其奇畜則橐駝驢羸馱騊駼騊駼音徒驪音願逐水草遷徙無城郭常居耕田之業然

各有分地音扶無文書以言語為約束兒能騎羊引弓射鳥

鼠音其幼少長則射狐兔音漸大肉食音無米粟士力能弯弓

盡為甲騎其俗則隨畜因射獵禽獸為生業急則人習戰攻以

侵伐音人人習之其天性也其長兵則弓矢短兵則刀鋌音焯鉄利

則進不利則退不羞遁走苟利所在不知禮義自居王以下咸

食畜肉衣其皮革被旃裘壯者食肥美老者飲食其餘貴壯健

賤老弱父死妻其後母兄弟死皆取其妻妻之其俗有名不諱

而無字歲正月諸長少會單于庭祠五月大龍城祭其先天地

鬼神秋馬肥大會蹕林課校人畜計音帶繞林木而祭也鮮卑

林木者尚聖柳枝衆騎馳遶三周音帶繞林木而祭也鮮卑其法拔刃尺者死坐盜者沒

乃止其此遣法計者人畜之數音帶繞林木而祭也鮮卑其法拔刃尺者死坐盜者沒

入其家有罪小者軌音帶繞林木而祭也鮮卑大者死獄

父者不滿十日一國之囚不過數人而單于朝出營拜日之始

生夕拜月坐其長左而北向左者以日為尊日上戊己其送死有棺擲

金銀衣裳而無封樹喪服近幸臣妾徒死者多至數十百人或

十人或百人舉事常隨月盛壯以致戰月虧則退兵其攻戰斬首虜

賜一卮酒而所鹵得獲而以與之得人以為奴婢故其戰人人

自為趨利趨讀曰趨趨向也善為誘兵以包敵包裹取之故其逐利如鳥之

集其困敗瓦解雲散矣戰而扶輦死者尽得死者家財

烏桓國本東胡也俗善騎射弋獵禽獸為事隨水草放牧居無

常處以穹廬為舍東開向日食肉飲酪以毛毳為衣毛之縹細者毳貴

少而賤老其性悍塞悍負也塞胃不聞怒則殺父兄而終不害母以母

有族類父兄無相仇報故也有勇健能理決鬪訟者推為大人

無世業相繼邑落各有小帥數百千落自為一部大人有所召

呼則刻木為信雖無文字而部眾不敢違犯氏姓無常以大人

健者名字為姓大人以下各有畜牧營產不相搖役其嫁娶則

先略通情不以道娶為畧或半歲百日然後送牛馬羊畜以為聘幣婿

隨妻還妻家無尊卑旦旦拜之而不拜其父母為妻家僕役一

二年間妻家乃厚遣送女居處財物一皆為辨其俗妻後母報

寡嫂死則歸其故夫計謀從用婦人唯鬪戰之事乃自決之父

子男女相對躡踞以髻頭為輕便婦人至嫁時乃養髮分為髻

著句決飾以金碧猶中國有箇步搖箇音吉海切或為幘婦國

珠步則婦人能刺常作文綉織氎毼氎音力于功毼音曷蜀也男女能作弓

矢鞍勒鍛金鉄為兵器其土也宜糝及東墻東墻似蓬草寔如

糝子至十月而熟見禽獸孕乳以別四節俗貴兵死歛屍以棺

有哭泣之哀至葬則歌舞相送肥養一犬以綵纓牽并取死者

所乘馬衣服皆燒而送之言以屬累音蜀類猶付托也大使獲死者神

靈歸赤山赤山在遼東西北數千里如中國人死者魂神歸岱

山也敬鬼神祠天地日月星辰山川及先大人有健名者祠用

月行元



牛羊畢皆燒之其約法違大人言者罪至死若相賊殺者令部落自相報不諸夷大人告之聽出馬牛羊以贖死其自殺父兄則無罪若亡畔為大人所補者邑落不得受之皆徒逐於雍在之地地無山有沙漠流水草木多蝮蛇

鮮卑者東胡之支也其言語習俗與烏桓同唯婚姻先髡頭以

季春月大會於饒樂水上在今營州北飲宴畢然後配合又禽獸異

於中國者野馬原羊角端牛以角為弓俗為角端弓者原羊以

大角出又有貂豹鼯子皮毛柔蠕納音女骨切鼯音胡良切貂鼯並鼠屬貂旗屬也故

天下以為名裘

突厥世居金山其俗畜物為事兵器有弓矢鳴鏑甲稍刀劍其佩則兼有伏突旗纛之上施金狼頭侍衛之士為附離夏言亦

狼也蓋狼本志生不志旧其徵發兵馬及科稅雜許輒刻木為

數并一金錐箭蠟封印之為俗契其刑法反叛殺人及姦人之

婦盜馬絆者皆死奸人女者重責財物即其女妻之鬪傷人者

隨輕重輸物盜馬及財物者各十餘倍徵之死者停屍於帳子

孫及諸親屬男女各殺羊馬陳其帳前祭之燒帳走馬七匝一

詣帳前門以刀斫面且哭血流俱流如此者七度乃止擇日取

亡者所乘馬及經服用之物并屍俱焚之收其余灰待時而葬

春夏死者候草木黃落秋冬死者候華葉榮茂然始坎而瘞之

葬之日親屬設祭及走馬斫面如初死之儀葬訖於墓所立石

建標其石多少依平生所殺人數以祭之牛馬頭尽懸挂於標

上是日也男子咸盛服餼會於葬所男有悅愛於女者歸即遣

人聘問父母多不違也父兄伯叔死者子弟及姪等妻其後母世毋母聘嫂唯尊者不得下淫雖常而各有地分可汗常處於都斤山牙帳東開蓋敬日之所出也每歲率諸貴人祭其先密以五月中旬集他人水拜祭天神於都斤西五百里有高山廻出上無草木謂為勃桀黎夏言地神也其書字類胡而不知年曆唯以草青為記其主初立近侍重臣等與之以氊隨日轉九廻每一廻臣下皆拜拜訖乃扶令乘馬以帛絞其頸使終不至絕然後釋而急問之曰你能幾年可汗其主既神情瞽亂不能詳定多少臣下等隨其所言以驗短修之數一說男女好擣蒲女踏鞠飲馬酪取酒歌吹呼相對敬鬼神信巫覡重兵死而耻病終大抵與匈奴同俗

西突厥居無常處多在烏孫故地其俗每五月八月相聚祭神歲遣重臣向其先世所居之窟致祭焉

衮胡一曰步落衮蓋匈奴之別種其土俗亦知種田地少桑蚕多衣麻布其丈夫衣服及死土殯葬中夏略同婦人則多貫唇具以為耳頸飾又與華民錯居其渠師頗識文字然語類夷狄因譯乃通蹲踞無禮貪而忍害俗好淫穢處女尤甚將嫁之方與淫者叙離夫氏聞之以多為貴既嫁之後頗以防閑有犯奸者隨事懲罰又兄弟死者納其妻妾分統部郡縣列於編戶然輕其徭賦有異齊民山谷阻深者又未及役屬而凶悍恃險數為寇亂

駭馬國其地在突厥之北漸近北海土地嚴寒至冬積雪樹木

不沒者一二尺比煖消以馬犁種取魚鹿獺貂灰鼠芋肉充食以其皮為衣火鉄器用陶瓦土及華木根為盤盃隨水草而居累木似井闌華皮蓋以為屋土牀草蓐而寢處之草尽則移無定所馬色並駮故以為名一說舉國悉留騮駮馬不乘但取其湏酪充食而已因山而居與結骨不敷相侵伐貌類結骨而言語不相通其俗隨逐水草無王立小君長以聽焉

結骨部在駮馬國南其人並依水而居身悉長大赤髮綠睛有黑髮者以為不祥人皆勁勇鄰國憚之其俗大率與突厥同而婚姻無財娉性多淫佚與外人通者不忌其壻死葬喪刀剪其面火葬收其骨踰年而為墳墓有哭位之禮冬以木為室覆以木板土宜粟麥際豆之屬無果菜有馬出貂天每兩鉄收而用之以為刀劍甚鈺別其國獵鬼皆乘木馬升降山險追赴若飛鹽漠念咄六闕候斤部落及史擔部落並在駮馬東其兩部土多松華每年稅貂獺青白三鼠皮以為貢賦

流鬼國邊於北海多沮澤有魚鹽之利地氣甚寒早霜雪每墜兵之後以木廣六寸長七尺施系其上以踐層冰逐其走獸俗多狗以其皮毛為裘褐

扶野古在僕骨東其地豐草人皆敦富上多霜雪東北一千里曰康干河有松水一二年乃化為石其色青有國人皆居住其人謂之康干石為石以後仍松文人皆著木脚水上逐鹿以耕種射獵為業國多好馬又出鉄風俗與鉄勒同而言語稍別焉鞠國在扶野古東北有樹無草但有地苔無羊馬家畜有鹿如

中國牛馬使鹿牽車可勝三四人衣鹿皮食地苔其人取木板為屋尊卑共居其中

俞折國在鞠國東土地廣大百姓衆多風俗與扶野古同少牛馬地多貂鼠

大漢國在鞠國北饒羊馬其人極長大長者至一丈三四尺芮國亦名芮芮國無城郭隨水草畜牧以穹廬為居辮髮衣錦小袖袍小口袴深雍鞞其地苦寒七月流漸亘河國人能以術祭天而致風雪對皎日後則泥潦橫流故其戰敗莫能追及或於中夏為之則曠而不雨問其故蓋以懦云

鉄鞠匈奴之苗裔無君長分屬東西兩突厥居無常所隨水草移人性凶忍善於騎射貪婪尤甚以寇抄為生近西邊者頗為藝植多牛羊而少馬其俗大抵與突厥同唯丈夫婚畢便就妻家待產乳男女然後歸舍死者埋殯之此其異也

奚本名庫莫俗甚為不潔而善射獵好為寇鈔每與契丹相攻擊虜獲財畜因而得賞死者以葦薄裹尸懸之樹上風俗同於突厥每隨水以畜牧為業遷移無常居有氊帳兼用車為營牙中常五百人持兵自衛此外部落皆散居山谷無賦稅契丹之先與庫莫異種而同類居黃龍之北其俗與靺鞨同好為寇盜父母死而悲哭者以為不壯但以其屍置於山樹之上經三年之後乃收其骨而焚之因酹而祝曰冬月時向陽食若我射獵時時使我多得猪鹿其無礼頑嚚於諸夷最甚

南室韋契丹別部也在契丹北三千里土地卑燥至夏則移向

西北貨勃火對二山多草木饒禽獸又多蛟蚋人皆果居以避其患俗丈夫皆被髮婦女盤髮衣服與契丹同乘牛車蘧蔭為屋如突厥瓊車之狀渡水則束薪為筏或有以皮為舟者馬則織草為鞵鞵結繩為轡寢則屈木為屋以蘧蔭覆上移則戴行以猪皮為席編木為席婦人抱膝而坐氣候多寒田收甚薄無羊少馬多猪牛造酒食噉與韃靼同俗婚嫁之法二家相許輒輒盜婦將去然後送牛馬為娉更將婦家待有娘乃相隨還舍婦人不再嫁以為死人之妻難以共居部落共為大棚人死則置屍其上居喪三年年唯四哭其國無鉄所給於高麗多貂兵器有弓楛矢尤善射時聚弋獵事畢而散其人土著無賦歛或為小室以皮覆上相聚而居至數十百家剡木為犁不加金刃

于閭國有輔國侯左右將左右騎君東西城長譯長各一人晉天

三年九月其王李聖文遣使馬繼榮副使黃門將軍張再道殿頭承旨通事舍人吳順規朝貢

皮山國有左右將左右都尉騎君譯長各一人

蒲黎國漢時有侯都尉各一人

大月氏有五詡侯詡即翁字一曰休密翁侯二曰雙摩翁侯三曰貴

霜翁侯四曰貯頰翁侯五曰高附翁侯皆屬大月氏

莎車國有輔國侯左右騎君備西夜君各一人都尉二人譯長

四人

疏勒國有疏勒侯擊胡輔國侯都尉左右將左右騎君左右長

各一人

尉頭國有左右都尉左右騎君各一人

烏孫國王號大昆彌有相大祿大將二人侯三人大夫將都尉各一人大監二人大吏一人舍中大吏二人騎君一人姑墨國有姑墨侯輔國侯都尉左右將左右騎君各一人驛長二人

溫宿國有輔國侯左右將左右都尉左右騎君譯長各一人龜茲國有大都尉丞輔國侯安國侯擊胡侯却胡都尉擊車師都尉左右將左右都尉左右騎君左右力輔君各一人東西南北部千長各二人卻胡君三人譯長四人

烏壘國有城都尉譯長各一人尉犁國有尉犁侯安世侯左右將左右都尉擊胡君各一人譯長二人

人牽以種不鮮用牛夏多霧雨冬多霜霰畜宜犬豕豢養而噉之其皮用以為常男子女人通以為服被髮左衽其家富者項著五色雜珠婚嫁之法男先就女舍三年役力因得親迎其婦後日既滿女家分其財物夫婦同車而載歌舞共歸

北室韋亦契丹別部也氣候最寒雪深沒馬冬則入山居土穴中牛畜多凍死饒麋鹿射獵為務食肉衣皮鑿冰沒水中而網射魚鼈地多積雪懼陷坑穿騎木而行俗皆捕貂為業冠以狐搭衣以魚皮

雷甸奴之別種亦鮮卑故地也人多善射獵好以赤皮為衣緣婦人貴銅釧衣襟上下懸小銅鈴風俗畧與契丹同

沙陁突厥在并州習俗左老石壯溷親雜男女畧與吐蕃同其

悍健便弓馬勝之

昆彌國土地宜稻其俗辮髮左衽被服與突厥畧同

匈奴本兄弟之國也隨逐水草夏居高山冬入深谷俗尚戰忍疾終都播耨者鉄勒之別種也其俗結草為廬無牛羊不知稼穡土多百合草取其根以為糧

骨利幹居迴紇瀚海之北多百合地出名馬其馬頭類橐駝筋骨鹿牡好者日行四百里其國北又距大海晝長而夕短刺部落本在琵琶川出州東北數百里出古北口是馬地宜羊馬羊則純黑馬趨前蹄善走以狩獵為務逐獸高山自上而下彎弧縱鏑其勢苦飛鮮有覆壓

鬼田國在駸馬國西其國夜遊晝隱以鹿皮為衣眼鼻耳與中百餘部其長官曰弗羅次曰可輪如牧宰之差也

赤土國其官有隆陀迦邏一人陀迦邏一人陀拏達又二人迦利蜜迦三人共掌政事俱羅未帝一人掌刑法每城置那耶迦一人鉢帝十人

貞獵國其國有五大臣一曰狐落支二曰高相憑三曰娑阿多陵四曰會舍摩陵五曰髯羅婁及諸小臣朝於王者輒以陛下三稽首王喚上階則跪以兩手抱膊逸王邏坐議政事訖跪伏而去娑羅國官曰獨訶耶拏次曰獨訶氏拏

流水國有五師統諸洞洞有小王往有村村有烏子帥并以善戰者為之自相對立理一村之事

南詔蠻謂王為詔謂相為清手官凡置六人其酋望有大將軍

之號後唐天成元年雋州山後兩林百蠻都鬼主李卑晚勉羗  
大鬼主傳能阿花等來朝二年有轉牒稱督奕大長和國宰相  
布燮等

西域婁羗國婁音而漢時其王號去胡來王言去離胡戎鄯善

國有輔國侯邵胡侯邵音立鄯善都尉擊車師都尉左右且渠

擊車師軍各一人譯長二人臣欽若等按書西城傳凡國五十

且渠當戶將相至侯王皆佩漢印綬

且末國且音子有輔國侯左右將譯長各一人

小宛國有輔國侯左右都尉各一人

精絕國有精絕都尉左右將譯長各一人

戎盧國有輔國侯左右將左右都尉左右騎君各一人譯長二人

恩率以下官無常員各有部功德部藥部木部法部後宮部外

有司軍部司徒部司空外舍網部日官部長吏三年一交代畿

內有五部部有巷人居馬部統兵五百人五方各有領一人以

達率為之方佐貳之方有十郡郡有將三人以德率為之統兵

一千二百人以下七百人以上又內官曰內臣佐平掌宣納事

內頭佐平掌庫藏事內法佐平掌禮儀事衛士佐平掌宿衛兵

事朝廷佐平掌刑獄事兵官佐平掌在外兵馬事

新羅國其官有十七等其一曰伊罰干貴如相國次伊尺干次

破彌干次大阿尺干次阿干次阿尺干次乙志吉沙咄干次及

伏干次大祭摩干次祭摩干次大舍次小舍次吉士次大鳥次

造位外有郡縣後唐同光初其王金朴英遣倉部侍郎金樂錄

事參軍金幼卿來朝二來又遣朝散大夫倉部



部侍郎金岳來朝天成二年遣吏中散大夫兵部侍郎張芬副  
使兵部郎中朴術法判官倉部員外郎李忠式來朝長興三年  
遣使執事侍郎金咄副使  
司賓大卿李儒來朝

曰本國其大臣朝臣真人者猶中國戶部尚書  
倭國其王妻號鷄彌沒名大子為利歌彌多佛利內官十有二  
等一曰大德次小德次太仁次小仁次大義次小義次大禮  
次小禮次大智次小智次大信次小信員無定數有軍尼一百  
二十人猶中國牧宰八千戶置一伊尼翼如今里長也十伊尼  
翼屬一軍尼

大羊同國有四大臣分掌國事

南蠻林邑國尊官有二其一曰西那婆帝其二曰隆婆地歌其  
為官三其一曰倫多性次歌倫致帝次乙他伽蘭外官分為二  
人同口在頂上土無米粟噉鹿及蛇

大宇冊府元龜卷之九百六十一

新刊監本冊府龜卷之九百六十二

外臣部

官號

才智

賢行

官號

夫明王慎德四夷咸賓乃有款塞稱藩厥角請吏奉珎修貢解  
辯響化繇是典客之職通譯其言執簡之史詳記其俗故其妃  
匹之號官稱之品員秩之命數典司之位局或咸得書於載籍  
而藏之秘閣者焉觀夫疆域殊峙風軌異化種族之制匪一等  
威之辯不同仲尼所謂夷狄之有君蓋與夫雲官烏紀之說戾  
矣

東夷扶餘國以六畜名官有馬加牛加狗加其邑落皆主屬諸

加高句驪國後漢時其國置官有相加對盧沛者古鄒大加鄒

大加高驪掌賓客之官大鴻臚也主簿優台使者帛衣先人一說大官有大對

盧次有太大兄大兄小兄意侯奢烏拙太大使者小使者褥奢

醫屬仙人并褥隆凡十三等復有內詳外評分掌內外事焉其大對盧

則以強弱相侵奪而自為之不由王之署置也

百濟國其王妻號於陸夏言妃也官有十六品長曰左平五人一品

次大率三十人二品一作達率次恩率三品次德率四品次杵率五

品次祭率六品以上次將德七品服紫帶次施德八品服皂帶

次固德九品赤帶次季德十品青帶次對德十一品文督十二

品皆黃帶次武督十三品次佐軍十四品次振武十五品次克

虞十六品一作喪虞皆白帶其冠制並同唯祭率已上飾以銀花自

危須國有擊胡都尉左右將左右都尉左右騎君擊胡君譯長

各一人

焉耆國有擊胡侯卻胡侯輔國侯左右將左右都尉擊胡左右

君擊車師君歸義車師君各一人擊胡都尉擊胡君各二人譯

長三人

烏貪訾離國有輔國侯左右都尉各一人

卑陸國有輔侯左右將左右都尉左右譯長各一人

卑陸後王國有輔國侯都尉譯長各一人

郁立師國有輔國侯左右都尉譯長各一人

單桓國有輔國侯將左右都尉譯長各一人

蒲類國有輔國侯左右將左右都尉各一人

蒲類國有輔國侯左右將左右都尉各一人

蒲類後國有輔國侯將左右都尉譯長各一人

西且彌國且音子余切下同有西且彌侯左右將左右騎君各一人

東且彌國有東且彌侯左右都尉各一人

劫國有輔國侯都尉驛長各一人

孤胡國有輔國侯左右都尉各一人

山國有輔國侯左右將左右都尉譯長各一人

車師前王國有輔國侯安國侯左右將都尉歸漢都尉車師君

通善君鄉善君各一人鄉讀曰嚮譯長各一人

波斯國其王曰暨噴妃曰防步率王之諸子曰殺野大官有大

莫胡檀掌國內獄訟泥忽汗掌庫藏開禁地早掌文書及衆務

次有遏羅訶地掌王之內事薛波勃掌四方兵馬及下皆有屬

### 官分統其事

大秦國其王都城分為五城各方五里王居中城城置八臣以

主四方而王城亦置八臣分主四城若謀國事及四方有不決

者則四城之臣集議王所王自聽之然後施行

女國以女為主有小女王共知國政女王之夫號曰金聚不知

### 政事

東女國女王號為賓就有女官曰高霸平議國事在外官遼並

男夫為之

高昌國官有令尹一人比中夏相國次有公二人皆其王子也

一為交河公二為田地公次有左右衛次有八長史曰吏部祠

部庫倉部主客禮部民部兵部等長史也次有達陵江殿中伏

波等將軍次有八司馬長史之副也次有侍郎校郎主簿從事  
階位相次分掌諸事次有省事掌導引其大事決之於小事則  
世子及二公隨將新決評章錄記事訖即除籍書之外無事又  
掌文案官人雖有列位並無曹府唯每旦集於牙門評議衆事  
諸城各有戶曹每城遣司馬侍郎監檢校名為城令  
廻紇隨時稱特勒唐貞觀末自號可汗署官號皆如突厥故事  
開元中有九部落置都督十一人代宗時遣使冊命可汗及其  
妻可敦并封左右殺胡祿都督扶覽將軍內外宰相已下  
白狗羗有品寵官五品寵官  
吐蕃號其王為贊普置大論小論以統理國事雖有官不常厥  
職臨時統領

此狄匈奴單于者廣大之貌也言其象天單于然也漢時其國

置左右賢王左右谷蠡

谷音鹿 蠡音盧 奚切

左右大將左右大都尉左右

大當戶左右骨都侯匈奴如謂賢曰屠者故常以大子為佐屠者

王自左右賢王以下至當戶大者萬餘騎小者數千凡二十四

長立號曰萬騎其大臣皆世官呼衍氏蘭氏

呼衍即今鮮卑姓 呼延者是也 蘭姓

今亦其後湏卜氏此三姓其貴種也而左右賢王左右谷蠡取

大國左右骨都侯輔政諸二十四長亦各自置千長百長行長

什裨小王

裨音頻 形切

相都尉當戶且渠之屬

且音子 余切 今之後 阻渠姓 蓋本此官

漢時其大臣貴者左賢王次左谷蠡王次右賢王次右谷蠡王  
謂之四府次左右日逐王次左右溫禺鞮王次左右漸將王是  
謂六角皆單于子弟次第當單于者也異姓大臣左右骨都侯

次左右戶逐骨都侯其餘日逐且渠當戶諸官號各以權力優劣部衆多少為高下次第焉至晉時其官號有左賢王右賢王左奔蠡王右奔蠡王右於陸王右於陸王左漸尚王右漸尚王左朔方王右朔方王左獨鹿王右獨鹿王左顯祿王右顯祿王左安樂王右安樂王凡十六等皆用單于親子弟也其左賢王最貴唯大子得居之其四姓有呼延氏卜氏蘭氏喬氏而呼延氏最貴則有左日逐右日逐世皆輔相卜氏則有左沮渠右沮渠蘭氏則有左當戶右當戶喬氏則有左都候右都候又有車陽沮渠餘地諸雜號猶中國百官也

吐谷渾晉末自稱沙州刺史其官置長史司馬將軍魏周之際始稱可汗官有王公僕射尚書及郎中將軍之號

烏桓

亦作丸

國有勇健能理決閭訟者推為大人無世業相繼邑

落各有小師數百千落自為一部大人

蠕蠕國千人為一軍軍置將一人百人為幢幢置帥一人自稱可汗其俗君及大臣因其行能即為稱號若中國立謚既死之後不復追稱

突厥後魏時自稱可汗號其妻為賀可敦其子弟謂之特勒別部領兵者謂之設其大官屈律啜次阿波次頡利發次吐屯次俟斤其初國貴賤官號凡有十等或以形體或以老小或以顏色鬢髮或以酒肉或以獸名其勇健者為之始波羅亦呼為莫賀弗肥鹿者為三大羅大羅便酒器也似鹿而角短休况似之故以為號此官特貴唯其子弟為之謂老為哥利故有達官謂

馬為賀蘭故賀蘭蘇尼闕蘇尼掌兵之官也謂黑色者為珂羅復顧有珂羅啜官甚高耆年者為之謂髮為索葛故有索葛吐此州縣官也謂酒為匐你熱汗故有熱汗賞監察非違釐班次謂肉為安禪故有安禪且泥掌家事如國官也有時置附隣可汗隣狼名也取其貪殺為稱亦有可汗位在葉護下者或有居家大姓相呼為遣可汗者突厥呼屋為遣言屋可汗也其後大官有葉護次設特勒次俟利發吹吐也發餘小官凡二十八等皆世襲焉

西突厥本與北突厥同祖其官有葉護有設特勒常以可汗子弟及宗族為之又乙斤屈利啜閻漢達頡利發吐也俟斤等官世襲其位

奚有五部每部置候斤一人為其帥其後部有刺史縣有令長其大首領號奚王唐置饒樂府以其王為都督南室韋有二十五部有餘莫為瞞咄猶酋長也北室韋有九部其渠師號乞引莫賀咄每部有莫何弗三人以貳之

契丹有八部每部皆號大人次推一人為主

唐末耶律阿保機自稱國王其後乃稱皇帝置中國官號國人號機為天皇王有子三人長人皇王次元帥太子幼安端少君渤海國唐中宗時封大祚榮為渤海郡王其俗呼其王為可毒夫對面為聖王牒表呼基下父曰老王母曰大妃妻曰貴妃長子曰副王諸子曰王子世以大氏為酋長

才智

要荒之服蠻夷是居北方之疆世習其俗丹允之智時有其人  
豈地氣之使然抑天性之斯異或計慮之惟允或辭辯之可觀  
懷英果之才申嚴于族類慕虞夏之德竊覽於典章若能堅柔  
服之心革忿鷙之性奉順王命自異匪人雖欲謂之豺狼其可  
得手苟或不思革面靡識懷音猾夏之姦雖云暫肆喪元之戮  
必將遄及者矣

戎子駒支

駒支戎子名

魯襄公十四年晉士匄

范宣子也

會諸侯之大夫

會于向將執駒支范宣子親數諸朝

行之所在亦設朝位

曰來姜戎氏昔

秦人追逐乃祖吾離於瓜州

四嶽之後皆姜姓又別為瓜州也在今敦煌

乃祖吾

離被苦蓋

蓋苦之別名

蒙荆棘以來歸我先君

蒙昌也

我先君惠公有

不腆之田

腆厚也

與女部分而食之

中部分為部

今諸侯之事我寡君不

如昔者蓋言語漏洩則職女之由

職主也

詰朝之事爾無與焉詰朝

明旦不使復得與會事

與將執女對曰昔秦人負恃其衆貪于土地逐我

諸戎惠公蠲其大德

蠲明也

謂我諸戎是四嶽之裔胄也

四嶽堯時方伯

姜姓也裔表也胃後也

毋是剪弃

剪削也

賜我南鄙之田狐狸所居豺狼

所嗥我諸戎除剪其荆棘驅其狐狸豺狼以為先君不侵不叛

之臣至于今不貳

不內侵亦不外叛

昔文公與秦伐鄭秦人且與鄭盟

而舍戎焉

事在魯僖公三十年

於是乎有殺之師

事在魯僖公三十三年

晉禦其上

戎允其下

允猶當也

秦師不復我諸戎實然譬如捕鹿晉人角之諸

夷倚之

倚其足也

與晉踣之

踣僵也

戎何以不免自是以來晉之百役

與我諸戎相繼于時

言給晉于不曠時

以從執政猶殺志也

意常必殺無中二也



豈敢離過今官之師旅無乃寔有所闕以攜諸侯而罪我諸戎  
我諸戎飲食衣服不與華同贄弊不通言語不達何惡之能為  
不與於會亦無膏焉膏閏也賦青蠅而退青蠅詩小雅取其愷  
悌君子勿信終言宣

子辭焉使即事於會成愷悌也成愷悌不信終也不書者  
戎為晉屬不得特達

漢匈奴單于冒頰既立時東胡強廼使使謂冒頰曰欲得頭曼

特號千里馬頭曼即冒頰父也曼音莫安切冒頰問群臣皆曰此匈奴瑩馬也勿

予讀曰冒頰曰柰何與人鄰國愛一馬乎遂與之頃之東胡以

為冒頰畏之使使謂冒頰曰欲得單于一闕氏闕氏匈奴皇后  
號也闕音於連

切氏音夫昌頰復問左右左右皆曰東胡無道廼求闕氏請擊之冒

頰曰柰何與人鄰國愛一女子乎遂取所愛閼氏予東胡東胡

王愈驕西侵與匈奴中間棄地莫居千餘里各居其邊為甌脫

甌音一侯脫音土活切境上侯望之處若今之伏宿舍也東胡使使謂冒頰曰匈奴與我界

甌脫外棄地匈奴不能至也吾欲有之冒頰問群臣或曰此棄

地與之於氏冒頰斬之冒頰上馬令國中有後者斬遂東襲擊

東胡東胡初輕冒頰不為備及冒頰以兵至大破滅東胡王虜

其民衆畜產而歸

後漢烏丸大人蹋頰多畫計策

鮮卑軻比能本小種鮮卑以勇健新法平端不貪財物衆推以

為大人部落近塞自表紹撫河北中國人多亡叛歸之教作兵

器鎧楯頗學文字故其勒御部衆擬則中國出入弋獵建立旌

麾以鼓節為進退

晉吐谷渾視罷性英果有雄略嘗從容謂博士金城騫苞曰易

云動靜有常剛柔斯矣先王以仁宰世不任威刑所以剛柔靡  
斯取輕隣敵當仁不讓豈宜拱默者乎今將秣馬厲兵爭衡中  
國先生以為何如苞曰大王之言高世之畧秦隴英豪所願聞  
也於是虛襟撫納衆赴如歸

吐谷渾葉延長而沉毅好問天地造化帝王年曆司馬薄鄰曰  
臣等不學實未審三皇何父之子五帝誰母所生延曰自羲皇  
以來符命玄象昭言著見卿等面牆何其鄙哉語曰夏虫不知  
冬水良不虛也又曰禮云公孫之子得以王父字為氏吾祖始  
自昌叅光宅於此今以吐谷渾為氏尊祖之義也

後魏廻紇菩薩善籌策以少制衆常以戰陣射獵為務其母烏  
羅渾主知爭訟之事平決嚴明部內齊肅

唐馮盎高州良德人代為本郡大首領隋開皇中潮成五州獠  
叛盎馳至京請討之文帝勅左僕射楊素與盎論賊形勢素驚  
曰不意蠻夷中有此人大奇武德中授高州總管累封國公盎  
勤於簿領詰摘姦伏甚得人情

新羅王真德以高宗永徽元年織錦作五言大平頌以獻之其  
詞曰大唐開洪業巍巍皇猷昌止戈戎衣定脩文繼百王統天  
崇雨施利物躰含章深仁諧日用撫運邁特康幡旗何赫赫鉦  
鼓何鏗鏘外夷違命者剪覆被天殃淳風凝函巖遐邇兢呈祥  
四時和玉燭七曜巡萬方維岳降宰輔維帝任忠良吾三成一  
一德昭我唐家唐帝嘉焉

仲琮為吐蕃大臣咸亨三年吐蕃遣仲琮來朝先是仲琮年少

時嘗克贊入朝詣大李生例讀書頗曉文字至是帝召入賜宴甚優禮之問曰汝國贊府孰與其祖為賢對曰雄勇新果不及其祖然勤於聽理下不敢欺亦令主也但吐蕃土風寒苦物產貧薄所部邏娑川唯有楊柳人以為資更無草木烏海之南盛夏積雪冬則羊裘數重暑月猶衣裘褐贊府春夏每隨水草秋冬始入城隍但施廬帳又無室宇文物器用豈當中夏万分之一但其國法嚴整上下齊力議事則自下而起因人所利而行之斯所以能持久也帝曰吐蕃與吐渾本是甥舅之國素和貴叛主奔走吐蕃納之信其間搆侵逼渾國招其叛士奪其土地我遣薛仁貴等安輯慕容之衆吐蕃掩其不備伏甲擊破之既又寇逼涼州欲陷城堡其故何也對曰臣受命貢獻而已攻戰之事非臣所得預聞也帝厚賜而遣之

薛贊婆為吐蕃首領其父祿東贊頗解兵術吐蕃贊府以國事委之講兵訓師雅有節制吐蕃之并無諸羗雄霸本土東贊有力焉東贊有子五人長曰贊悉若次欽陵次贊婆次每多千次敷論東贊死欽陵兄弟後專其國欽陵每多居其中諸弟分捉方面贊婆則專在東境與中國為鄰三十餘年常為邊患其兄弟皆有才畧諸蕃憚之

突厥毗伽可汗小殺開元中謀欲南入寇其謀主燉欲谷曰唐主英武人和年豐未有間隙不可動也且休息我衆觀變而李小殺又欲修築城壁造立寺觀燉欲谷曰不可突厥人戶寡少不敵唐家百分之一分所以常能抗拒者正以隨逐水草居處

無常射獵為業人皆習武強則進兵抄掠退則竄伏山林唐兵雖多無所施用若築城而居改變舊俗一朝失利必將為唐所併且寺觀之法教人以弱本非用武爭強之道不可置也小殺等深然其計八年冬御史大夫王駿為朔方大總管奏請西徵拔悉蜜東發奚契丹兩蕃尅期掩突厥衙帳於稽河止小殺聞之大恐燉欲谷曰拔悉蜜今在北庭與兩蕃東西相去極遠勢必不合王駿兵馬計亦無能至此若能來候其臨到即移衙帳向北三日唐兵糧盡自然去矣且拔悉蜜輕而好利聞命必是先来王駿與張嘉真不叶奏請有司不愜必不敢動若駿兵馬不來拔悉蜜獨至突厥欲擊之燉欲谷曰此衆去國千里必將死戰未可也不如以兵躡之去北庭二百里燉欲谷分兵間道先掩北庭因縱兵擊拔悉蜜之還衆遂散走拔北庭而城陷不得入盡為突厥所擒并虜其男女而還燉欲谷迴兵因出赤亭以掠涼州羊馬涼州都督楊敬述為燉欲谷所敗小殺由是大振盡有默赧之衆

南詔異牟尋頗知書有才智善撫其衆

### 賢行

夫天生蒸民夷夏雖異而所稟之性或善或惡復何殊哉故仲尼稱有教無類蓋謂是矣若乃篤仁孝之道敦愛敬之風感既以報仇謙退而行讓或崇其信誓或守之端慤或殉葬以見志或憂國以殞命或俯從忠讜之諫或力行博施之義自餘從容知禮寬厚得衆者抑又其次焉咸著之篇以示於後

西羌東吾湏吾子也湏吾後漢明帝永平年中降漢東吾立以父降漢乃入居塞內謹愿自守百濟其先夫餘王東明之後有仇台篤於仁信始立國於帶方

高驪王名宮將叛於魏其臣句驪沛者名得來數諫宮宮不從其言得來歎曰立見此地將生蓬蒿遂不食而死奉國賢之吐谷渾辟奚性仁厚慈惠三弟皆專恣長史鍾惡地恐為國害謂司馬乞宿雲曰昔鄭莊公秦昭王以一弟之寵宗祀幾傾况今三孽並驕必為社稷之患吾與公忝當元輔若獲保首領以沒於地先君有問其將何辭吾今誅之矣宿雲請曰辟奚惡地曰吾王無斷不可以告於是因群下入覲遂執三弟而誅之辟奚自投於牀惡地等奔而扶之曰臣昨夢先王告臣云三弟將為

逆亂汝速除之臣謹奉先王之命矣辟奚素友愛因恍惚成疾謂世子視連曰吾禍滅罔生何以見之於地下國事大小汝宜攝之吾餘年殘命寄食而已遂以憂卒視連幼廉慎有志性視連既立以父憂卒不知政事不飲酒遊畋七年矣鍾惡地進曰夫人君者以德御世以威齊衆養以五味娛以声色此四者聖帝明王之所先而公皆略之昔昭公儉嗇而喪偃王仁義而亡然則仁義所以存身亦所以亡已經國者德禮也流者也刑法也二者或差則綱維失緒明公奕葉重光恩結西夏或仁孝發於天然猶宜憲章周孔不可獨追徐偃之仁使德委而不逮視連泣曰先王追友于之痛悲憤并遐孤雖纂葉尸存而已声色遊娛豈所安也綱維刑禮付之將來臨終謂其子視羆曰我高

祖吐谷渾公常言子孫必有興者永為中國之西藩慶流百世  
吾已不及汝亦不見當在汝之子孫輩爾

葉延年十歲其父吐延為姜酋姜聰所害每旦縛草為姜聰之  
象哭而射之中之則號泣不中則瞑目大呼其母謂曰姜聰諸  
將已屠繪之矣汝何為如此葉延泣曰誠知射草人不益於先  
讎以申罔極之志耳性至孝母病五日不食葉延亦不食

焉耆國王龍安夫人獯胡之女姪身十二月剖脅生子曰會立  
之為世子會少而勇傑安病篤謂會曰我當為龜茲王白山所  
辱不忘於心汝能雪之乃吾子也及會立襲滅白山

赫連勃勃父衛辰為後魏殺之勃勃奔于叱干部叱干他斗伏  
送勃勃於魏阿利先戌大洛川聞將送勃勃馳諫曰烏雀投人

尚宜濟免况勃勃國破家亡歸命於我縱不能容猶宜任其所  
奔今執而送之深非仁者之奉他斗伏懼為魏所責弗從阿利  
潛遣勁勇篡勃勃於路送於姚興高平公沒弈于以女妻之

馬邑侯奴真後魏初領部來阿奴真兄捷先居賀蘭部至是奴  
真請召捷而讓部馬道武義而許之

蛭枝寅勅勒部人也蛭枝寅元地干坐盜食官馬依制命死枝  
寅自誣已殺實非弟殺兄弟爭死辭不能定唐高祖詔原之唐  
國王字代失畢為人寬厚甚得衆心

胡祿達官吐渾邪頡利臣也頡利卒渾邪苛自刎以殉渾邪者  
頡利之母婆施氏之勝臣也頡利初誕以付渾邪至是哀動而  
死唐太宗聞而異之贈卽中將仍葬於頡利墳側詔中書侍郎

岑文本製頡利及渾邪之事以紀之

吐蕃相祿東贊貞觀十五年來朝先是許以文成公主出降贊  
府遣祿東贊來迓召見顧問進對合旨詔以琅邪公主外孫女  
妻之祿東贊辭曰臣本國有婦少小夫婦雖復至尊殊恩奴身  
不願違弃舊婦且贊府來謁公主部臣安敢輒娶太宗嘉之欲  
撫以厚恩雖奇其谷而不遂其請乃以為右衛大將軍

阿史那杜爾突厥處可汗第二子也初在本藩號為拓設分部  
以統之及處羅卒毀瘠三載在位十年無所課歛或鄙其所為  
不能富貴杜爾曰部落既豐於我便足有識者稱之叔父頡利  
黷於用武杜爾屢諫不從乃辭頡利歸其所部

百濟王義慈事親以孝行聞友於兄弟時人號為海東曾閔

突厥苾伽可汗開元二十一年遣其大臣葛阿默察之來朝獻  
馬五十匹謝恩也初苾伽之弟闕特勒死苾伽表請巧匠馮其  
真詔遣畫工六人往焉既畫工妙絕倫突厥國內未之見者苾  
伽每觀畫處歔歔如弟每生悲涕不自勝故遣察之謝恩旦送  
畫人也

尉遲勝于闐贊子也廣德中以勝為毗沙府都督于闐王令還  
國勝固請番宿衛加開府儀同三司封武都王實封百戶勝請  
以本國王弟曜詔從之勝乃於京師脩行里盛飾林亭以待賓  
客好事者多訪之建中末從幸奉天為兼御史中丞帝在興元  
勝為右領將軍俄遷右威衛大將軍歷睦王傳真元初曜遣使  
上疏稱有國已來代嫡承嗣兄勝既讓國請立勝子銳帝乃以

銳為檢校光祿卿兼毗沙府長史還國勝固辭且言曰曜父行國事人皆悅服銳生於京華不習國俗不可遣往因授韶王諮議兄弟讓國人多稱之

新刊冊府元龜卷之九百六十二

新刊監本冊府元龜卷之九百六十三

外臣部八

封冊

中國之於夷狄羈縻而已若乃殊鄰絕黨之國欽風慕化而至琛賫維旅鞮譯以通解辦而習賓儀保塞而請內屬繇是推柔懷之道開撫納之意優其禮遇厚其賜予以篤其好而馱其心焉漢氏之後乃復加以侯王之號申之封拜之寵備物典冊以極其名數持節封建以震乎威靈至於告終稱嗣撫封世及必俟文告之命乃定君臣之位自非人君之慎德大邦之敦信皇明遐燭而無間仁風溥暢而胥洎又曷能革彼犢悍被之聲教使其奉王略而為外臣者哉



漢高祖十一年五月詔曰粵人之俗好相攻擊前時秦徒中縣

之民南方三郡中縣之民中國縣民也秦始皇畧取疆使與百

粵雜處欲以介其間使不相攻擊也會天下誅秦南海尉它居南方長治之

它音徒河切南海尉之名也姓趙甚有文理中縣人以故不耗

減粵人攻擊之俗益止俱賴其力今立它為南粵王使陸賈即

授璽綬即就也就其所居而立之

武帝元鼎六年平西南夷夜郎侯入朝帝以為夜郎王

元封二年滇王離西夷滇音顛舉國降以為益州郡賜滇王印復

長其民為之長師西南夷君長以百數獨夜郎滇王受王印

昭帝元始六年大破益州夷詔曰鉤町侯亡波鉤音劬町音挺

夷也亡波其名也率其君長人民擊反者斬首捕虜有功其立亡波為

### 鉤町王

元鳳四年平樂監傅介子既殺樓蘭王乃立樓蘭王先降漢者

弟尉屠耆為王更名其國為善鄯為刻印章餘具外臣保異門後漢光

武建武元年莎車國王康率傍國拒匈奴擁衛都護檄書河西

問中國動靜自陳思慕漢家河西大將軍竇融乃承制立康為

漢莎車建功懷德王西域大都尉

八年高句驪侯遣使朝貢先是王莽史名高句驪侯於是貊人

冠邊愈甚至遣使朝貢帝復其王號

十一年武都氐人背公孫述降漢隴西大守馬援上復其王侯

君長賜以印綬

十三年九賁徼外蠻里張游里蠻之別號今呼為俚人率種人慕化內屬封

為歸漢里君

十三年廣漢塞外白馬羌豪樓登等率種人五千餘戶內屬帝封樓登為歸義君長

十四年邛穀王長貴一云任貴遣使上三年計即授越雋大守印綬

初王莽邛時人長貴自立為邛穀王領越雋大守又降於公孫述述敗帝封為邛穀王

十七年莎車王賢遣使奉獻請都護天子以問大司空竇融以

為賢父子兄弟相約事漢款誠又至臣欽若等曰莎車王之帝

也延死子康代立故云父子兄弟相約事漢也宜加號位以鎮安之帝乃因其

使賜賢西域都護印綬及車旗黃金錦繡數黃大守裴遵上言夷狄不可假以大權

又令諸國失望詔書收還都護印綬更賜賢以漢大將軍印綬其便不肯易追奪之賢由是如根而猶詐稱大都督

二十年東韓國人廉斯人蘇馬謨等詣樂浪貢獻帝封蘇馬謨

為漢廉斯邑君使屬樂浪君四時朝謁

二十五年遼東廼烏桓大人郝且等率衆內屬封其渠帥為侯

王君長八十一人

二十七年哀牢王賢栗等率種人詣越雋大守鄭鴻降求內屬

帝封賢栗等為君長

三十年鮮卑大人於仇賁滿頭等率種人詣闕朝貢封於仇賁

為王滿頭為侯

章帝建初二年昆明夷鹵承率種人與諸郡兵擊哀牢王類牢

於博南斬之傳首洛陽封鹵承為破虜傍邑侯

和帝永元三年大將軍竇憲上書立北匈奴右谷蠡王於除鞬

為單于明年遣耿夔即授璽綬賜玉劔四具羽蓋一駟使中郎  
將任尚持節衛護屯伊吾如南單于故事

六年蜀郡徼外大牂夷種羗豪造頭等率種人五十餘万口内  
屬拜造頭為邑君長賜印綬

安帝永初元年鮮卑大人燕荔陽入朝帝賜鮮卑王印綬赤車  
參駕令止烏桓校尉所居窰城下

二年青衣道夷邑長令田姓舉土内屬帝增令田爵號為奉  
通邑君

元初二年先零羗號多等率衆七千餘人詣漢陽太守寵參降  
遣詣闕賜號多侯印綬遣之

三年度遼將軍鄧遵率南匈奴左鹿蠡王湏沈擊湏王零昌於

灵州縣名屬北地郡斬首八百餘級封湏沈為破虜侯金印紫綬

四年春中郎將任尚遣當闐種羗槐鬼等五人刺殺叛羗杜季  
貢封槐鬼為羗侯秋任尚復募效功種號封刺殺零昌封號封

為羗王五年度遼將軍鄧遵募上郡全無種羗雕何苛刺殺叛  
羗狼莫賜雕何為羗侯

永寧元年遼西鮮卑大人烏倫其至鞬衆詣度遼將軍鄧遵降  
奉貢獻詔封烏倫為率衆王其至鞬為率衆侯是年揮國王音揮

擅雍由調遣使獻樂明年元會安帝作樂於庭封雍由調為漢  
大都尉賜印綬

順帝永建二年烏桓都尉戎未廙率將王侯咄歸去延苛從烏  
桓校尉耿种擊鮮卑有功還皆拜為率衆王

漢安二年立南匈奴守義兜樓為南單于獻帝建安四年烏丸  
三王助大將軍袁紹擊破遼東公孫瓚紹遣使即拜為單于皆  
安居華蓋羽覆黃屋左纛版文曰使持節大將軍督幽青并領  
冀州牧部鄉侯紹承制詔遼東屬國率衆王頒下烏丸遼西率  
衆王蹋頓右北平率衆王汙盧維乃祖慕義遷善歎塞內附北  
捍獫狁東拒濊貊世守北陲為百姓保鄣雖時侵犯王略命將  
徂征厥罪率不旋時悔愆變改方之外夷最又聰惠者也始有  
千夫長百夫長以相統領用能慮乃心克有勲力於國家稍受  
王侯之命自我王室多故公孫瓚作難殘夷厥土之軍以侮天  
慢王是以四海之內並執干戈以衛社稷三王奮氣裔土忿姦  
憂國控弦與漢兵為表裏誠甚忠孝朝所嘉焉然而虎兕長蛇  
相隨塞路王官爵命否而無聞夫有勲不賞俾勤者怠今遣行  
謁者楊休齎單于璽綬車服以封爾勞其各為靜部落教以謹  
慎無使作凶作慝世復爾祀位長為百蠻長厥有咎有不臧者  
泯於爾祿而喪於乃庸可不勉乎烏丸單于都獲部衆左右單  
于受其節度他如故事

魏文帝漢延康元年卑素利彌加遣使獻馬加為歸義王先是

帝建安中鮮卑表利彌加厥機因枝尉問柔上貢獻通市大祖皆表寵以為王厥機死又亡其子沙末汗為親漢王至是表利彌加各遣使獻馬故有是命

黃初元年更授匈奴南單于呼厨泉魏璽綬賜青蓋乘輿宝劔  
玉珎是年鮮卑步度根遣使獻馬帝拜為王

明帝大和三年大有氏王波調遣使奉獻以調為親魏大月氏

景初元年幽州刺史毋丘儉討遼東是時左北平烏丸單于寇  
婁敷遼西烏丸都督率衆王護番葉聞儉軍至率衆五千餘人  
降寇婁敷弟阿羅燹等詣闕朝貢封其渠帥三千餘人為王二  
年六月倭王遣大夫雖升米等詣帶方郡求詣天子朝獻大守  
刘夏遣使將送詣京都其年十一月詔書報倭女王曰制詔親  
魏倭王卑彌呼大方大守劉夏遣使送汝大夫雖升米次使部  
市牛利奉汝所獻男生口四人女生口六人班布二匹二丈以  
到汝所在踰遠乃遣使貢獻是汝之忠孝我甚哀汝今以汝為  
親魏倭王假金印紫綬裝封付帶方大守假授汝其綬撫種人  
勉為孝順汝來使難升米牛利涉遠道路勤勞今以難升米為  
率善中郎將牛利為率善校尉假銀印青綬引見勞賜遣还今  
以降地交龍錦五匹絳地騶栗蜀十張舊絳五十匹緝青五十  
匹荅汝所獻貢直又特賜汝緝地句文錦三匹細班華蜀五張  
白絹五十匹金八兩五尺刀二口銅鏡百枚真珠鉛丹各五十  
斤皆裝封付難升米牛利還到錄受悉可示汝國中人使知國  
家哀汝故鄭重賜汝好物也

是年遣帶方大守劉昕樂浪大守鮮于嗣越海定二郡諸韓國  
臣知加賜邑君印綬其次與邑長

齊王正始元年帶方大守弓遵遣建中校尉梯雋等奉詔書印  
綬詣倭國拜假倭王並齎詔賜金帛建蜀刀鏡採物倭王國使  
上表荅謝詔恩

八年濊貊不耐侯詣闕朝貢詔更封不耐濊王

晉武帝大康六年大宛獻汗血馬帝遣使揚顯拜其王藍度為大宛王

懷帝即位初以鮮卑務勿塵為大單于司空領烏丸校尉王浚又表封務勿塵遼西郡公其別部大飄滑及其弟渴末別部大屠九等皆為親晉王

簡文帝成安二年正月百濟王遣使貢方物六月遣使拜百濟王餘旬為鎮東將領樂浪太守

孝武帝大元十一年以百濟王世子餘暉為使持節都督鎮平將軍百濟王

安帝隆安三年仇池氏楊盛遣使稱蕃奉獻方物帝以盛為仇池公楊氏世居隴右漢末徙居仇池地方百頃因以百頃為號

有名千萬者拜魏為百頃王其孫難敵稱蕃於晉以為仇池公後孫纂立便請文簡自陳後以纂為平羗校尉秦州刺史仇池公纂支庶定稱蕃於孝武帝盛即定之兄也至是稱蕃奉獻故復命之桓輔政進盛西校尉

義熙九年高麗國王高璉一作高連遣長史高翼奉表獻赭白馬以璉為高麗王樂浪郡公

十二年以百濟王映為使持節都督百濟諸軍事鎮東將軍百濟王

宋高祖永初元年百濟王餘映進號鎮東大將軍

二年林邑王范陽迈遣使貢獻即加除授以陽迈為林邑王

三年封仇池公陽威為武郡王

文帝元嘉二年十一月以武郡王世子揚玄為秦州刺史襲封武郡王

是年倭國王倭讚遣使奉表獻方物表曰封國偏遠作蕃于外自昔祖父躬櫜甲冑跋涉山川不遑寧處東征毛人五十五國而服衆夷六十六國渡平海北九十五國王道融秦廓土遐畿累葉朝宗不讐于歲臣雖不愚忝紹先緒驅率所統歸崇天機詔除督倭新羅任那加羅秦韓慕韓六國安東大將軍倭王七年正月以吐谷渾慕瓚為征西將軍沙州刺史慕瓚遼東鮮卑也兄阿豺晉末譙從之亂遣使上表獻方物詔為安西將軍沙州刺史澆河公阿豺死慕瓚立奉表故有是命

六月以仇池氐冠將軍楊難當為北秦州刺史封武都王

是年百濟王餘毗復脩職貢以餘映爵號授之

九年六月以征西將軍沙州刺史吐谷渾慕瓚為征西大將軍西秦河二州刺史隴西王比秦州刺史楊難當加號征西大將軍十二年五月封黃龍國王馮引為燕王

十五年二月以平東將軍吐谷渾慕延為征西將軍西秦河二州刺史

四月以倭國王珍為安東將軍

十六年六月改封隴西王吐谷渾慕延為河南王

二十年倭國王濟遣使奉獻復以為安東將軍倭國王

二十六年六月婆皇國王舍利婆羅跋摩遣使獻方物四十一種策命為婆皇國王

是月婆達國王舍利不陵伽婆摩遣使獻方物策婆達國王詔曰阿羅單婆達三國頻越遐海款化納貢遠誠宜甄可並加除授乃遣使策命之

二十八年七月安東將軍倭王濟進號安東大將軍

二十九年九月以平西將軍吐谷渾捨寅為安西將軍西秦河西秦州刺史

孝武即位初安西將安西秦河二州刺史吐谷渾捨寅進號鎮西大將軍開府儀三司

大明元年十月以百濟王餘慶為鎮東大將軍

五年正月以宕昌國王梁唐子為河州刺史

六年三月以倭國王世子具為安東將軍倭國王

七年六月高麗王高連進號車騎大將軍開府儀同三司

明帝泰始三年十月鎮西大將軍秦河二州刺史河南王吐谷

渾捨寅進號征西大將軍

後廢帝元徽三年九月征西大將軍河南王吐谷渾捨寅進號

車騎大將軍

四年五月以仇池氏寧朔將軍武都王楊文度為北秦州刺史

十月以宕昌王梁彌機為安西將軍河涼二州刺史

順帝昇明元年十二月寧朔將軍北秦州刺史武都王楊文度

進號征西將軍

二年五月倭國王武遣使獻方物以武為安東大將軍又封西

陽蠻梅生為高山戾田治生為威生戾梅加羊為杆山戾



六月以輔國楊文引為北秦州刺史封武都王

南齊大祖建元元年五月詔使持節散騎常侍都督秦河沙三州諸軍開府儀同三司領護羌校尉西秦河二州刺史河南王吐谷渾捨寅進號驃騎大將軍使持節都督河涼二州安西將軍東羌校尉河涼二州刺史隴西公宕昌王梁彌機進號鎮西將軍征虜將軍西涼州刺史羌王像書彭進號持節平西將軍又詔曰昔絕國入贄美稱前冊殊俗美歎声流往紀虜茄盧鎮主因平公揚廣香怨結族釁起親黨在宋之世遂率地降敵茄盧失守華陽暫驚近單使先馳宣揚皇威廣香昔追其遠世之誠仰我惟新之化肉祖請附復地千里氏羌雜種咸內歸歎宜特領納厚加優卹廣香翻迷反正可特量所受部曲莫豪隨名酬賞以廣香為都督沙州諸軍事平羌校尉沙州刺史又詔新除使持節都督倭新羅任那加羅秦韓六國諸軍事安東大將軍倭王武進號為鎮東大將軍是時加羅國王荷知使來獻詔曰量廣始登遠夷洽化加羅王荷知歎闕海外奉贄東遐可授輔國將軍本國王

二年三月百濟王牟都遣使貢獻詔曰寶命惟新澤被絕域牟都世蕃東表守職遐外可即授使持節都督百濟諸軍事鎮東大將軍又以氏王後起為秦州刺史

四月使持節散騎常侍都督營平二州諸軍事車騎大將軍開府儀同三司樂浪公高麗王高璉進號驃騎大將軍

武帝永明元年二月以征虜將軍楊照為沙州刺史封陰平王

又詔前使持節督河涼二州軍事鎮西將軍東羌校尉河涼二州刺史隴西公宕昌王梁弥機前使持節平北將軍西涼州刺史羌王像舒彭並著勤西垂安寧邊境可復先官爵  
是年以隴右都督羌王劉洛羊為輔國將軍又進秦州刺史楊後起號冠軍將軍

二年八座秦州刺史楊後起勤彰款塞忠著邊城進號征虜將軍

三年六月以河南王拾寅世子吐谷渾易疫侯為使持節都督西秦河沙三州諸軍事鎮西將軍領護羌校尉西秦河二州刺史河南王又詔曰易度侯守戢西蕃授懷允緝忠績兼舉朕有嘉焉可進號車騎大將軍

八月詔曰行宕昌王梁弥頡

頡一作頡

忠款內附著績西服宜加爵

命式隆蕃屏可使持節督都河涼二州諸軍事安西將軍東元校尉河涼二州刺史隴西公宕昌王

四年閏正月秦州刺史楊後起卒詔曰後起奄至殞逝愴惻于懷綏禦邊服宜詳其選行輔國將軍北秦州刺史武都王楊集始幹局沉亮乃心忠款必能緝境寧民宣揚聲教可持節輔國將軍北秦州刺史平羌校尉武都王

六年五月以行宕昌王梁弥丞為使持節都督河涼二州諸軍事安西將軍羌校尉河涼二州刺史

是年除督護北遂安左郡大守田駟路為試守郡大守皆鄧州蠻也

八年正月百濟王謀大遣使上表遣謁者僕射孫副策命大龍  
亡祖父牟都為百濟王曰於戲惟尔世襲忠勤誠著遐表海路  
肅澄要貢無替式循彝典用纂顯命往欽哉其敬膺休業可不  
慎歟詔行都督百濟諸軍事鎮東大將軍百濟王今以大襲祖  
父牟都為百濟王即位章授等王銅虎竹符曰其拜受不亦休  
乎是年以河南王吐谷渾休留代為使持節都督西秦河沙三  
州鎮西將軍護羌校尉西秦河二州刺史  
九年五月林邑夷人范當根純攻奪其國自立遣使貢獻金罽  
等物詔曰林邑雖分狂遐外世服正化當根純乃誠款到率其  
僚賤遠績克宣良有可加宜沾爵號以弘休澤可持節都督緣  
海諸軍事安南將軍

是年八座奏陰平王揚照嗣勤西收馳款內照宜增戎章用輝  
遐外進號前將軍

十年以林邑王子孫范諸農率種人攻范當根純復得本國以  
諸農為持節都督緣海諸軍事安南將軍林邑王

鬱林王隆昌元年以高麗王樂浪公高雲為使持節散騎常侍  
都督營平二州諸軍事征東將軍

明帝建武二年七月以氏楊護之為北秦州刺史仇池公  
是年林邑王諸農進號鎮國將軍

梁高祖天監三年五月扶南國王遣使送珊瑚佛像並獻方物  
詔王扶南王矯陳如闍邪跋摩介居海表世纂南服闕誠遠著  
重譯獻琛宜蒙酬納班以榮號可安南將軍

九月以河南王世子伏連籌為鎮西將軍西秦河二州大守河南王

四年四月以宕昌國王梁弥博為使持節督河涼二州諸軍事安西將軍東羌校尉河涼二州刺史隴西公宕昌王佩以金

七年二月詔曰高麗王樂浪郡王高雲乃誠款著貢驛相尋宜隆秩命式引朝典可撫東大將軍開府儀同三司持節常侍都督王並加故

九年四月林邑國奉獻白猴詔曰林邑國王范天凱介在海表乃心款至遠脩職貢良有可加宜班爵號被以榮深可持節都督緣海諸軍事威南將軍林邑王

普通元年二月高麗王世子安為寧東將軍都督營平二州諸

軍事襲爵高麗王

三年二月詔曰行都督百濟諸軍事鎮東大將軍百濟王餘隆守藩海外遠脩貢職迺誠款到有朕有加焉宜率舊章服茲榮命可持節都督百濟諸軍事寧東大將軍百濟王

五年詔以百濟王餘隆子明為持節百濟諸軍事綏東將軍百濟王

七年三月高麗王安庶子延立使貢獻遣詔以延襲爵

六月林邑王高式勝鎧遣使獻方物詔以為持節都督緣海諸軍事綏南將軍林邑王

中大通元年三月以河南王伏連着子呵羅真為寧西將軍護

羌校尉西秦河二州刺史

一云西秦河  
沙三州刺史

三年四月以河南王佛輔為寧西將軍西秦河二州刺史  
六月行林邑王高式律陀羅跋摩貢獻詔以為持節都督緣海  
諸軍事綏南將軍林邑王

大同七年二月行宕昌王梁弭秦為西平將軍河涼二州刺史  
宕昌王

大清二年三月高麗王延卒詔其子為寧東將軍襲延爵位陳  
文帝天嘉三年閏二月以百濟王餘明為撫東大將軍高句麗  
王高湯為寧東將軍

後魏道武登國初以尔朱羽健為領民酋長率契胡武士千七  
百人從駕平晉陽定中山論功拜散騎常侍以居秀容川詔割  
方三百里封之常世為業

天興初仇池氏楊盛遣使朝貢詔以盛為征南大將軍仇池王  
大武始光四年十一月以氏王楊玄為都督荆梁益寧四州諸  
軍事假征南大將軍梁州刺史南秦王

延和二年九月詔兼大鴻臚卿崔頤持節征虜將軍楊難當為  
征南大將軍儀同三司封南秦王

大和三年九月遣使者拜西秦王慕瓚弟慕利延為鎮西大將  
軍儀同三司改封西平王

是特使負外散騎侍郎李教拜高麗王高麗為都督遼海諸軍事征東將軍領東人中郎將遼東碑公高句麗正史闕年月

五年三月以故南秦王子楊保宗為征南大將軍秦州牧武  
都王

大平真君二年三月封蠕蠕都叉閭乞歸為朔方王

五年六月西平王吐谷渾慕利延殺其兄子緯代立弟叱力延等來奔乞師以叱力延為歸義王

正平元年伊吾王唐和闐帝優寵之文帝即位以和歸誠先朝拜鎮南將軍酒泉公

孝文延興二年正月大陽蠻首桓延率戶內屬拜征南將軍襄陽王

大和二年三月遣鴻臚卿劉歸謁者張察拜河南公梁弥機為征南大將軍而戎校尉梁益二州牧河南公宕昌王

六年九月以氐楊后起為武都王

九年七月遣使拜宕昌王梁弥機兄子弥承為國王

十六年三月以高麗王高璉孫雲為其國王賜衣冠服物車旗

之飾

十七年正月以吐谷渾伏連壽為其國王

宣武景明四年十一月以武興國世子楊紹先為國王

正治二年正月以宕昌王世子梁弥博為其國王

永平二年八月以鄧至國世子像覽蹄為其國王

孝明神龜元年正月詔以氐楊定為陰平王

二年高麗王高雲死以世子安為其國王拜鎮東將軍領護東夷校尉遼東郡公

正光元年九月蠕蠕主阿那懷來奔十一月詔曰蠕蠕世雄朔方擅制漠表隣道上國百有餘載自神鼎南氐累紀于茲虔貢雖違邊燧靜息憑心象魏潛款弥純今其主阿那懷屬離時難

邦分親折万里遠馳庇命有道悲司申忤忠孝足務方存興滅  
之師以隆紹絕之舉宜且優以賓禮期之立功疏爵祿土大啓  
河岳可封朔方郡開國公蠕蠕王食邑一千戶錫以衣冕加以  
輜車祿恤儀衛同乎戚藩十二月送歸北

三年四月以高車王覆羅伊訶為鎮西將軍西海郡開國公高  
車王

孝莊建義元年六月以高昌王世子光為平西將軍瓜州刺史  
襲爵秦臨縣開國伯高昌王

前廢帝普泰元年高昌王趙堅遣使朝貢除平西將軍瓜州刺  
史秦臨縣伯王如故尋加衛將軍

東魏孝靜天平中加高句麗王高延侍中車騎大將軍

興和三年四月阿至羅國主副伏羅越居子去賓來降封為高  
車王

西魏孝武永熙元年高句麗王延為使持節散騎常侍車騎將  
軍領護東夷校尉遼東郡公高句麗王

二年以將軍瓜州刺史秦臨縣伯高昌王趙堅為儀同三司進  
爵郡公

文帝大統五年蔡陽蠻王曾超明內屬授南雍州刺史仍世襲  
焉

十四年以高王世子玄嘉為王

廢帝元年蠻酋樊舍舉落內附以為淮北三州諸軍事淮州刺  
史淮安郡公

恭帝二年蛮酋宜人王母田丹彦款附以為開府儀同三司  
北濟文宣帝元年九月以散騎常侍車騎將軍領東夷校尉遼  
東郡開國公高麗王威為使持節侍中騎驃大將軍領護東夷  
校尉王公如故

廢帝乾明元年二月以高麗王世子高湯為使持節領東夷校  
尉遼東郡公高麗王

武成河清四年二月詔以新羅國王金真具為使持節東夷校  
尉樂郡公新羅王

後主武平元年二月以百濟王餘昌為使持節侍中驃騎大將  
軍帶方郡公王如故

二年正月以百濟王余昌為使持節都督東青州刺史

後周武帝建德六年高麗王高湯遣來貢一作高陽拜湯為上開府

儀同大將軍遼東郡開國公遼東王

隨高祖開皇元年十月百濟王扶余昌遣使來賀授昌上開府  
儀同三司帶方郡公

十二月高麗王高湯遣使朝貢授湯大將軍遼東郡公

四年五月契丹王莫賀弗遣使請降拜大將軍

五年党項拓拔寧叢等各率所部詣旭川內附授大將軍其部  
下各有著

十七年七月高麗遼東郡公高湯卒拜其子元為上開府儀同  
三司襲爵遼東郡公賜衣一襲元奉表謝恩并賀祥瑞因請封  
王高祖優詔策元為王



十四年新羅國王真平遣使貢方物拜真平為上開府樂浪郡公新羅王

十九年四月突厥利可汗內附以為啓民可汗  
煬帝大業五年高昌王麴伯雅來朝拜左光祿大夫車師大守封并國公

新刊冊府元龜卷之九百六十三

新刊監本冊府元龜卷之九百六十四

外臣部九

封冊第二

唐高祖武德元年七月突厥曷娑那可汗弟闕可汗遣使內附帝厚加慰撫拜為吐馬過拔闕可汗  
十二月突厥曷娑那可汗自宇文化及所來降封為歸義王三年三月牂州蠻首謝龍羽遣使朝貢授龍羽牂州刺史封夜郎郡公

七年正月封高麗王高建武為遼東郡王百濟王扶餘璋為帶方郡王新羅王金真平為樂浪郡王

太宗貞觀三年八月薛延陀可汗壹利咄夷南遣使朝貢詔遊

擊將軍喬師望齎冊書拜夷男為毗伽可汗居大漠之北俱倫水南牙帳去長安四千餘里

四年三月以突厥夾畢特勒和順郡公阿史那思摩為右武侯大將軍化州都督

是月詔厥利可汗阿史那什鉢苾志懷英果識機能新情深獨悟寔惟先覓徃在北蕃地位兼重早知慕化特布欵誠及漠北降災龍荒兆乱潛圖決策棄難歸朝披露肝膽備陳丹赤轉禍為福厥義可嘉宜有褒隆用彰寵渥錫茲茅土職參戎禁可右衛大將軍封北平郡王食邑千戶

五月封突厥阿史那蘇尼失為懷德郡王阿史那思摩懷化郡王

六年八月遣鴻臚少卿劉善因立四突厥莫賀設奚利邲咄陸可汗賜以鼓纛綵万段是年遣中將郎桑孝彥冊立焉耆國王突騎支為咄利失可汗

九年閏四月李靖平吐谷渾帝復建其國下詔曰代罪弔人前王高義興亡繼絕有國令典吐谷渾擅相君長竊據荒裔志在凶德政出權門首渠隳種落怨憤長惡不悛野心彌熾莫顧蕃臣之節曾無事上之禮竊據疆場虔劉萌庶積惡既稔天亡有徵朕君臨四海含育万類一物失所深責在予所以爰命六軍申茲九代義存活國情無贖武其子大寧王慕容順隨氏之甥志懷明悟長自中土早慕華風爰見時機深識逆順以其父悞諫違衆獨陷迷途遂誅邪臣存茲大計翻然改轍代父歸罪

忠孝之美深有可嘉子能立功足以補過既往之釁特宜原免然其建國西鄙已歷年代即從廢絕情所未忍繼其宗祀允歸令子封順西平郡王食邑四千戶仍授越胡呂烏井豆可汗所司量遣使備禮冊命

是年遣持節冊命新羅金善德臣欽若等曰善德金真平之女也真平卒無子乃立善德為以

宗室大臣乙桂國封樂浪郡公新羅王

十年三月詔曰文德懷遠列聖之弘規興亡繼絕至仁之通訓吐谷渾發迹東胡竄居西域負險自固擅立君長爰在前代通使中原或為叛臣不常厥德近慕容步隆鉢為主老而不智迷而亡返志懷首竄虔劉疆場朕頻命行人殷勤誘諭不納忠信之言唯行蜂蠆之毒及六軍問罪尚令申諭遂無悛革以至滅

亡其子順國慶事窮歷身無所委命下吏輿攏轅門故令解網釋俘繼其宗祀乃懷貳志遵彼覆車曾未浹旬自貽屠戮子燕王諾曷鉢弱不好弄幼稱通理總纂舊業即逢內難故遣旌節遠申安遂能率其種類同竭誠款盡其巢落迎謁使者屈膝頓顙尊奉朝化請頒正朔願入提封冊誠內發深可嘉尚宜隆寵章懋茲賞典可封河源郡王食邑四千戶仍授烏地也拔勒豆可汗即遣使人備禮冊命

十二年九月詔曰天地之德平分於四時皇王之道無偏於萬物故能亭育黎庶覆幬區夏声教咸洎于遐方爵命不遺于殊俗薛延陀真珠毗伽可汗器宇沉毅識具明允夙見時機早稟正朔忠誠峻節克著於寒外貢獻琛寶不絕于王府加以訓最

裔嗣輯寧種落俱卒藩職咸慕朝風其子沙耽弥茶護拔酌達  
度莫賀咄設頡利苾並志懷敦確氣幹強果或竭忠款迺心闕  
庭或遠經朝覲拜首軒陛言念丹誠良以嘉尚宜錫徽號用申  
褒寵拔酌可四茶護可汗仍賜狼頭纛四鼓四頡利苾可汗達  
莫賀咄茶護賜狼頭纛二鼓二仍令左領軍大將軍梁方師持  
節備冊命

十三年七月詔曰天地大德覆載極于八荒日月貞明照臨周  
于万物是以哲王撫運聖人垂範經邦立政之道取法於造化  
興亡繼絕之義摩隔于華夷惟彼北戎代居荒塞養畜牧於天  
山之外擅勇敢于瀚海之濱逮其末葉狂愚嗣位侵盜之釁禍  
結於諸華苛暴之風蠢被于大漠酋豪携貳部衆離阻革面者

相望於道路請命者填委於闕庭朕情加納隍志存懷遠乃令  
上將極其將溺元戎統動倒戈相繼既而屠耆歸命單于反接  
分地之長解辯而來王引弓之民尽落而內附龍城既殄狼望  
遂空朕怒其破亡怒其瑕釁解縛焚擱賜以用生牧電迴霜宥  
以寬政於是選內外之職分珪組以授之擇肥饒之地設州縣  
以處之開倉府以恤其飢寒馳輜軒以問其疾苦恩俸中夏禮  
均舊臣十載於茲矣特受命三灵因心百姓妥初薄伐非貪闕  
土之功泪于克定實弘安民之道又欲去其亡國返其遺萌尚  
恐瘡痍未瘳衣食不足今歲已積年穀屢登種衆增多畜牧蕃  
息繒絮無乏咸弃其羶裘菽粟有餘靡資於狐兔便可復其故  
庭繼其先緒歸三祠於沮澤旋十角於廬山使復會蹕林弭其

依風之思重宴樂水遂其向日之歡然則左方既建石地已設  
必候君長一其號今自孛勒貴種醜落忠誠何以宣布朝化輯  
寧落服右武侯大將軍化州都督懷郡王李思摩噐懷沉毅識  
用詳明早慕皇風效丹款故寵以賜姓榮以高爵內典徼循  
之重外受連卒之寄譽光朝職簡朕心錫以藩號紹以宗祀可  
乙彌泥孰俟利必可汗并賜之鼓纛仍令就其部備禮冊命突  
厥及胡在諸州安置者並令渡河還其舊部俾夫世作藩屏同  
之帶礪長保邊塞傳諸後昆又以左屯衛將軍阿史忠為左賢  
王左武衛將軍阿史那泥孰為右賢王十五年五月詔曰懷遠  
之道莫先於寵命飾中之義無隔於遐方故柱國帶方郡王百  
濟王扶餘璋棧山航海遠稟正朔獻琛奉賚克固始終奄致薨  
殞追遠愍悼宜加常數式表哀榮可贈光祿大夫令其嫡子義  
慈嗣位授柱國封帶方郡王百濟王使祠部郎中鄭文表持節  
備禮冊命

七月命左領軍將軍張大師持節立西突厥弩失畢賀咄菜護  
為乙毗沙鉢羅菜護可汗賜以鼓纛

十七年閏六月詔曰懷遠之規前王今典繼世之義列代舊章

高麗王嗣子藏姓高名藏噐懷韶敏識字詳正早習禮教德義有聞

肇承藩業誠款先著宜加爵命允茲故實可上柱國封遼東郡  
王高麗王遣使持節冊命

十九年九月薛延陀真珠毗伽可汗卒帝設祭於營左為發哀  
初延陀請以其庶長子曳莽為突利失可汗居東方所統皆雜

種子拔灼為四葉護可汗居西方所統皆延陲詔許之並以禮冊命

二十二年正月新羅王金善德卒贈光祿大夫以善德妹真德為柱國封樂郎郡王遣使持節冊命

是年契丹酋長屈哥等內屬為置松漠都督府以屈哥為左領軍將軍兼松漠郡督封無終縣男賜姓李氏

高宗以貞觀二十三年即位拜吐蕃贊府弄讚為附馬都尉臣若等曰以尚文成公主故也封海西郡王弄讚因致書長孫無忌云上初即位若臣下有不臧之心者請勒兵以赴并獻金銀珠室十五種

請置太宗靈座之前以表其誠於是進封竇王賜雜綵三千段乃刻其形象列於昭陵玄闕之下

永徽元年以故龜茲王左武衛中郎將訶黎布失畢為右驍衛

大將軍尋放還蕃撫其餘衆依舊為龜茲王先是太宗既破龜茲移置安西都護府於其國城以郭孝恪為都護兼統于闐踈

勒碎葉謂之四鎮帝嗣位不欲廣地勞人復命有司弃龜茲等四鎮故訶黎布央畢王其舊地

五年閏五月新羅女王金貞德卒以其弟國祖金春秋為新羅王繼真德之位仍拜開府儀同三司封樂郎郡王遣使持節備

### 禮冊命

六年遣禮臣臣欽若等往西突厥冊拜頡苾達度設為可汗頡苾

達度設者咄六可汗之子也初為真珠奈護與其父遵朝化及賀魯之叛咄六死後方遣歸順頡表請兵誅討賀魯故有比授馬禮臣至碎葉城西賀兵魯拒之不得前又真珠未護部下廬帳並被賀魯兼并人衆寡弱不為羣夷所附禮臣遂不冊而歸

顯慶二年十二月伊麗道行軍總管右屯衛將軍蘇定方大破  
阿史那賀魯于金牙山尽收其所據之地西域悉平詔分其地  
置蒙池崑陵二都護府以右武衛大將軍阿史那彌射為驃騎  
大將軍行右大將軍蒙池都護往絕可汗各賜物十方匹仍遣  
光祿卿盧承慶持節冊命

三年正月立龜茲王嗣子白素稽為歸茲王授右驍衛大將軍  
仍遣使就加冊命

五月以左驍衛大將兼安西都護天山縣公趙智湛為西州都  
督統高昌之故地

十二月以左驍衛大將軍潮海大都督迴紇婆潤為左衛大將  
軍右驍衛大將軍燕然都督多覽葛塞匄為右衛大將軍

龍朔元年九月持進新羅王金春秋薨帝遣使帛之便冊其嗣  
子法敏為新羅王

二年正月立波都斯督卑路斯為波斯王

三年四月詔以新羅國為鷄林大都督府以新羅王金法敏為  
鷄林州大都督

乾封元年五月封河源王慕容諾曷鉢為青海王

摠章元年十月東天竺烏切茶國長年婆羅門盧迦逸多特拜  
懷化大將軍旌奇術也時逸多受詔合金丹

咸亨元年四月以西突厥首領阿史那都之為左驍衛大將軍  
兼匄延都督以安輯五咄六及咽麵之衆

上元二年正月以于闐國為毗沙都督府分其境內為十州以

于闐王尉遲伏屠雄為毗沙都督擊吐蕃有功故也

開輝元年十月新羅王金法敏薨遣冊立其子政明為新羅王

仍襲父官爵

則天垂拱二年九月冊拜右玉鈴衛將軍阿史那解瑟羅襲其

父繼往絕可汗

是月東女國王歛臂遣大臣湯劍左來朝仍請官號乃冊拜歛

臂為左玉鈴衛員外將軍仍以瑞錦製蕃服以賜之

天授二年臘月以于闐王尉伏屠雄卒冊立真子璪為于闐王

璪一作瑕

長壽二年新羅王金政明卒為之舉哀使吊祭冊其子理洪為

新羅王仍令襲父輔國大將軍行左豹韜衛大將軍鷄林州都

督

萬歲通天元年九月則天以突厥默啜不同契丹之逆遣左豹

韜衛大將軍閻知微冊授驃騎大將軍行左衛大將軍上柱國

公遣善可汗

是月封康國王大首領左玉鈴衛將軍篤娑鈴提為康國王

二年十月左玉鈴衛員外將軍兼檢校汴州刺史李括莫離為

歸順王

聖曆元年七月立泥沮師為康國王

是年突啜厥遣使請和制遣左豹韜衛將軍閻知微入蕃冊為

立功報國可汗

三年臘月司禮卿兼池州大都護竭忠事上可汗阿史那解瑟



羅為左衛大將軍仍充平西軍大總管鎮撫碎葉

三月臣欽若昔日是時則天下以十一月為正以吐谷渾青海國

王慕容宣超一作趙為左豹韜衛外員大將軍仍襲父烏池也拔

勒豆可汗

長安二年新羅王金理洪卒則天遣使立其弟興光為新羅王  
仍襲兄將軍都督之號

四年正月冊拜右武威衛大將軍阿史那懷道為十姓可汗中  
宗神龍二年二月封突騎施烏質勒為懷德郡王

十二月戊戌命唱鹿州都督突騎施婆葛襲父烏質勒為左驍  
騎大將軍兼衛尉卿懷德郡王仍令右屯衛大將軍十姓可汗  
阿史那懷道充使冊命

景龍三年七月遣使持節策授左驍衛將軍兼衛尉卿金河王  
突騎施守忠為歸化可汗

玄宗先天二年二月拜麗大道領高定傳為特進

是月封勒韜大首領大祚榮為渤海郡王

大祚榮盛歷千怕為振國王在營州東二

千里兵數萬人至是遣即將軍崔訢往冊命祚榮左驍衛員外大將軍渤海郡王仍以其所統為汗州授忽汗州都督自是每歲遣

使朝貢

開元三年八月高麗吐渾等諸蕃降附制曰天亡驕子胡運其  
終國有忠臣漢封斯在高麗王莫離支高文簡都督跌跌思太  
吐渾大首領刺史慕容道奴郁射施大首領鶻屈利斤大首領  
刺史苾悉頡刀麗大首領拱毅等或遼海貴族或陰山寵裔智  
則勇權而善謀從事本蕃頡頏高位料逆順之道知變通之節

或誓以況族或翻然庇身共驗郅支之亡遂觀由余之入將軍  
遇敵永罷射鴈使者迎降果聞東傳弃寒苦之地就陽和之澤  
尔其誠矣朕實休之宜開土宇之封式盛壇場之制文簡可封  
遼西郡王食邑三千户行左衛大將軍員外置同正員賜宅一區  
馬四匹物六百段跌跌思太可特進行右衛大將軍員外員兼  
跌跌都督封接煩國公食邑三千户賜宅一區馬三匹物五百  
段道奴可左威衛將軍員外置兼御史封雲中郡開國公食邑  
三千户賜宅一區物四百段馬兩匹鶻屈頡斤可左驍衛將軍  
員外置兼刺史封陰山郡開國公食邑二千户賜馬兩匹物二  
百段苾悉頡力可武衛將軍員外兼置刺史封鴈門郡開國公  
食邑二千户賜馬四匹物四百段宅一區拱毅可左領軍衛將  
軍員外置兼刺史封平城郡開國公食邑二千户賜馬兩匹物  
四百段鶻頡川妻契苾賜物一百五十段手力二人各賜物五  
十段

四年八月契丹李失活奚李大酺各以所部來降制曰混一六  
合紀綱四海開物所以苞率華夷列爵所以範圍中外契丹松  
漠州都督李失活奚饒樂州督李大酺等並材雄劔騎家襲簪  
組翻飛泳鹿之郊高視無間之地徃屬誑惑遂尔攜離海表為  
虞在苞桑之厚戒彙徃順命乃連茹而同歸柔懷有章寵渥斯  
在俾侯利建宜膺祚土之榮上將師貞仍允齋擅之拜失活可  
封松漠郡王食邑三千户行左金吾衛大將軍大輔可封饒樂  
郡王食邑三千户行右金吾衛大將軍並員外置餘如故

五年五月冊命勃律國王蘇弗舍利支離泥為勃律王冊曰維  
開元五年歲次丁巳五月庚子朔二十七日丙寅皇帝若曰於  
戲夫象賢踵德匪直諸夏開國丞家無隔殊俗咨爾勃律國王  
蘇弗舍利支離泥卿歷代首渠執心忠肅遙申誠款克脩職貢  
謝信知由其遠略郭處瓘所以足兵行觀郁成授首何止司奴  
斷臂是用命爾為律國王爾宜善始令終長奉正朔寧人保國  
慶及苗裔往欽哉其光膺典冊祇服寵命可不慎歟

六年五月制曰王者懷柔莫不卒俾禮其君長必備典章右武  
衛大將軍員外置突騎施都督車鼻施啜蘇祿中部貴人右賢  
豪緒卒系繫於朔野郊廛拒於陰寒自趨風入獻服義來歸爰  
奉戎索實司邊行懋勳可紀忠節是加俾昇絕席之尊仍茂錫  
圭之寵可左羽林軍大將軍員外置仍封順國公食邑三千戶  
餘有故并錫錦袍鈿帶魚袋七事仍充金方道經略大使所司  
備禮冊拜

六月以故松漠郡王李失活弟中郎將娑固為松漠都督左金  
吾衛大將軍員外置同正員靜拆軍經略大使襲封漠松郡王  
食邑二千戶

七年三月忽汗州都督勃海郡王大祚榮卒遣使無立其子  
桂婁郡王大武藝襲為左驍大將軍渤海郡王忽汗州都督

七月龜茲國王白莫苾卒以其嫡子孝節嗣位

十月丹金方道經略大使突騎施蘇祿為忠順可汗

八年三月封護密國王羅施伊具骨咄祿多比勒莫賀咄達靡

薩爾為護蜜王賜紫袍金帶七事并雜綵五十匹

四月遣使冊立烏長國王骨咄國王俱立國王並降冊文皆賜綵二百匹三國在長安之西與大食隣境大扇誘為雷俱守節不從潛布款誠于朝廷帝深加之

六月遣使冊勃律國王蘇麟陀逸之為勃律國王

八月遣使冊箇失蜜國王真陀羅祕利為箇失蜜國王

是月冊渤海郡王左驍衛大將軍大武藝嫡男大都利行為桂婁郡王

九月遣使冊葛達羅支頡利發誓屈尔為謝颶國土葛達羅支特勒為剽賓國王

十一月遣使冊南天竺國王尸利那羅僧伽寶多拔摩為南天

竺國王

十年四月以契丹首領松漠府都督李鬱于為松漠郡王奚首領饒樂府都督李魯蘇為饒郡王各賜物一千匹銀器七十事及錦袍鈿帶等

五月牂州刺史夜郎郡公謝元齊死詔立其嫡孫嘉藝襲官封十二年八月制曰户利佛誓國三尸利施羅拔麾遠脩職貢載勒忠款嘉其乃誠宜有褒錫可遥授左威衛大將軍賜紫袍金鈿帶

十四年改封契丹松漠郡王李邵固為廣化王奚饒樂郡王李魯蘇為奉誠王仍封宗室外甥女二人為公主各以妻之制曰李邵固等輸忠保塞乃誠奉國屬外中于天無遠不届而華裔

摩隔等數有加宜賜休名俾永慶澤

十六年正月封于闐阿摩支知王事右武衛大將軍負外置同  
正負上柱國尉遲伏師為于闐王冊曰踐義立身資忠成性稟  
崆峒之氣威武可稱慕亟夏之風款誠必尽功著沙漠聲聞闕  
庭宜有褒崇俾膺封建令遣大理正攝鴻臚少卿喬夢松亦爾  
為于闐王於戲祇若順訓聿脩令德無怠無荒以保爾土宇往  
欽哉又封踈阿摩支裴安之為踈勒國王冊曰維開元十六年  
歲次戊辰正月戊戌朔十四日辛亥皇帝若曰万邦迭職无隔  
華夷五等䟽封式固藩屏咨爾踈勒阿摩支知王事左武衛將  
軍員外置裴安之誕灵蒲海稟秀葱山蘊義以立名蹈仁而成  
德雖日月所照莫非王土而烽燧時警猶曰虜庭遂能扞彼邊  
陲歸我声教載闡疇庸之義俾弘利建之風今遣大理正攝鴻  
臚少卿喬夢松冊爾為踈勒王於戲允迪庾勿替敬典綏厥戎  
落永為漢藩往欽哉

十七年正月冊吐火羅骨咄祿頑達度為吐火羅葉護怛怛王  
十九年四月突厥可汗弟闕特勒卒冊小勃律國王難泥為其  
國王降書謂之曰惟爾代雄荒服為藩衛居万里之外竭一心  
之忠用能潛應王師克剪勃寇蔥河失險青海無波使戎虜  
遠加由爾誠節克著言念功效歎美良深今冊爾為本國王并  
賜衣等至宜領取

是月康國王烏勒遣使上表請封子其咄褐為曹國王默為米  
王並許之降書報烏勒曰卿僻左遐荒久修誠款情深本國志

慕欽風節義著于家邦忠孝無於臣子言念懇到歎美良深所請各依可知朕意

二十年九月護密王發卒封其弟護真檀為護密國王

是年勃海挂婁郡王大武藝病死其子大欽茂嗣立帝降書冊且吊之曰念卿亡父表勵誠節與善無徵奄至殞謝興言求往軫念良深卿是長嫡當襲父位宜全忠孝以繼前蹤今故遣使持節冊命兼申帛祭冊曰皇帝若曰於戲王者宅中守在海外必長蕃以寧遐荒咨爾故勃海郡王嫡子大欽茂代承緒業早聞才幹昔在爾考忠於國家爰逮爾躬當茲負荷豈惟立嫡亦乃擇賢休問可嘉寵章宜及是用命爾為勃海郡王爾往欽永為藩屏長保忠信孝節本朝作範殊俗可不美歟

是年突厥可汗小殺卒國人立其子為伊燃可汗詔宗正卿李

佺冊立

伊然病卒立其弟登利可汗登利革言果報也

二十一年四月冊箇失密國王木多筆為本國王冊曰惟開元

二十一年歲次癸酉四月丁酉朔五日辛丑皇帝若曰咨爾箇

失密國王木多筆嗚呼弈葉歸順遠輸誠節脩職貢之禮受蕃落之寄時有代謝兄亡弟襲保界山川輯寧黎庶國有制度俗尚清靜不可勉歟今命爾為箇失密國王恭膺冊命往欽言九月護密國王真檀來朝宴于內殿授左金吾衛將軍員外置賜紫袍金帶魚袋等七事及帛百匹放還蕃

是年渤海靺鞨越海入寇登萊詔新羅王金興光發兵討之仍加授興光開儀府同三司寧海軍使

二十二年正月契丹知兵馬官李過折來獻戎捷制曰高懸爵秩以待勲庸能者得之固其宜也契丹兵馬官李過折蕃中貴種塞下椎才其謀慮之深既能轉禍當義勇之發向義疾雷故得積年逋誅一朝蕩滌使鳥鼠之衆復為戎人鷹揚之師且息邊甲言念誠節宜超等數特加象輅之封仍異龍城之禮可封北平郡王同幽州節度大副使賜帛一千匹

二十五年正月新羅王金興光卒其子承慶嗣位遣使來告帝悼惜久之贈大子大保命贊善大夫邢疇攝鴻臚少卿往其國行吊祭冊立之禮興光新羅王政明之子理供之弟也

二十六年九月封西南大酋師蒙歸義為雲南王制曰古之封建誓以山河義在疇庸故無虛授西南蠻都大酋師特進越國公賜紫袍金鈿帶七事歸義挺秀西南是稱酋傑仁而有勇孝乃忠懷馭衆之長村秉事居之勁節瞻言諸部或有姦人潛通大戎敢四蜂蠆遂能躬擐甲冑摠率驍長入長驅左紫右拂凡厥醜類應時誅剪戎功若此朝寵宜加俾膺胙土之榮以勵扞成之士復遣中使李思敬齎冊書往冊焉

十月詔康國王烏勒卒封其子咄喝為嗣謝颺國王誓颺卒封其子如沒拂達為嗣曹國王沒羨卒封其弟蘇都僕羅為嗣國王延屯死封其子忽鉢為嗣皆死在他年今從赴也

是月蜀賓國王烏散勤灑以年老上表請立其嫡子拂林蜀婆嗣位從之乃封拂林蜀婆為蜀賓國王自康國已下皆降書宣慰冊土二十八年三月以石國蕃王莫賀咄吐屯有功封為石

國王加特仍賜旌節翌日又冊為順義王冊曰維開元二十八  
年歲次庚辰三月丁亥朔二十二日戊申皇帝若曰於戲茂秩  
攸升疏封有命寵榮斯及必在英賢咨爾石國王莫賀咄吐代  
襲誠節器標果斷尽忠向化作扞蕃墜頃以蘇祿殊妖尚為邊  
便能納其隣國授以良圖俟彼疆場相為表裏致令克濟迨徼  
遠輯殊方實賴心膂載宣勲力靜言褒異非爾而誰是用冊爾  
為順義王璽宜敬慎王猷撫寧部衆永保蕃輔可不慎歟是月  
加撫羯王斯謹鞮特進賞平蘇祿可汗之功冊曰維開元二十  
八年歲次庚辰三月丁亥朔二十六日壬子皇帝若曰於戲乃  
瞻陰方代有君長至於膺我盛禮榮彼殊隣必擇其人謀無授  
咨爾突厥苾伽骨咄祿可汗氣稟崆峒材雄朔漠見事無惑執  
心不渝以先代以來結好中國自續承舊業克繼前脩遠遣使  
臣來朝闕下義之所感情實嘉焉不有褒稱孰彰忠順是用冊  
爾為可汗今遣從弟左金吾衛將軍質持節禮冊往欽哉可汗  
其丕承徽章益勵名節永保多福以貽後昆不可慎歟是月磧  
西節度使蓋嘉運俘吐火仙可汗來獻帝特捨之授以官爵制  
曰德以柔遠兵以威敵服而捨之古之制也突騎施吐火仙可  
汗骨啜弟茶護頰阿波等皆北乘邊阻兵情衆雖蟻聚為寇或  
擾疆場而王師所向尽擒巢穴憫其束身就戮歸命而朝宜加  
宥過之典載洽覃恩之命俾厥弟兄並膺先寵或分茅土復列  
鉤陳骨啜可左金衛吾員外大將軍仍封為循義王須阿波可  
右武衛員外大將軍



是年遣右金吾將軍李質齎璽書入突厥冊立登利為可汗二十九年三月小勃律國王冊立其兄麻號來嗣位冊曰於戲王澤無偏義弘於遠邇朝榮所厚諒敷于款誠咨尔麻號來代襲君長家傳忠信地限於絕域心每歸于本朝爰逮尔躬足繼前緒素有馭下之略益堅奉上之志是用冊尔為勃律國王尔其敬膺典冊無忘節義永保土宇以貽子孫可不慎欵

新刊監本冊府元龜卷之九百六十四

新刊皇本冊  
行九卷之九  
敬曆典冊無忘節義永保土宇以贍子孫可不慎欤



